



# PROPOZICIJE i ODLUKE

O takmičenju nogometnih liga  
Nogometnog saveza Federacije BiH  
**takmičarsku sezona 2025/2026**



## SADRŽAJ

➤ Odluka o kalendaru takmičenja WWIN Prve lige FBiH.....	2
➤ Odluka o kalendaru takmičenja Druge lige FBiH.....	4
➤ Propozicije takmičenja WWIN Prve lige FBiH.....	6
➤ Propozicije takmičenja Druge lige FBiH.....	29
➤ Propozicije takmičenja završnice Kupa FBiH za seniore.....	53
➤ Odluka o kotizaciji za takmičenje klubova WWIN Prve lige FBiH.....	57
➤ Odluka o kotizaciji za takmičenje klubova Druge lige FBiH.....	58
➤ Pravilnik o dnevnicama, putnim troškovima, taksama, članarinama i drugim naknadama.....	59
➤ Odluka o visini novčanih kazni za klubove, igrače, funkcionere i stručna lica.....	65
➤ Pravilnik o načinu vođenja takmičenja u Drugoj ligi FBiH.....	68
➤ Odluka o sjedištu i takmičarskim organima Druge lige FBiH.....	72

Broj: 1535/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**O D L U K U**  
**o kalendaru takmičenja WWIN Prve lige Federacije BiH**  
**za takmičarsku sezonu 2025/2026**

**PRVI DIO TAKMIČARSKE SEZONE**

<i>mjesec</i>	<i>datum</i>	<i>kolo</i>	<i>dan</i>	<i>satnica</i>
<b>Avgust/ kolovoz</b>	23/24.08.2025.	<b>I kolo Prve lige FBiH</b>	Subota/nedjelja	17:00
	30/31.08.2025.	<b>II kolo Prve lige FBiH</b>	Subota/nedjelja	16:30
<b>Septembar/ rujan</b>	07.09.2025.	<b>III kolo Prve lige FBiH</b>	Nedjelja	16:30
	13/14.09.2025.	<b>IV kolo Prve lige FBiH</b>	Subota/nedjelja	16:00
	20/21.09.2025.	<b>V kolo Prve lige FBiH</b>	Subota/nedjelja	15:30
	<b>24.09.2025.</b>	<b>Završnica Kupa Federacije BiH</b>	<b>Srijeda</b>	<b>15:30</b>
	27/28.09.2025.	<b>VI kolo Prve lige FBiH</b>	Subota/nedjelja	15:30
<b>Oktoibar/ listopad</b>	04/05.10.2025.	<b>VII kolo Prve lige FBiH</b>	Subota/nedjelja	15:00
	11.10.2025.	<b>VIII kolo Prve lige FBiH</b>	Subota	15:00
	18/19.10.2025.	<b>IX kolo Prve lige FBiH</b>	Subota/nedjelja	14:30
	25/26.10.2025.	<b>X kolo Prve lige FBiH</b>	Subota/nedjelja	14:30/13:30
	29.10.2025.	<b>Utakmice 1/16 finala Kupa BiH</b>	<b>Srijeda</b>	
<b>Novembar /studeni</b>	02.11.2025.	<b>XI kolo Prve lige FBiH</b>	Nedjelja	13:30
	08/09.11.2025.	<b>XII kolo Prve lige FBiH</b>	Subota/nedjelja	13:30
	16.11.2025.	<b>XIII kolo Prve lige FBiH</b>	Subota	13:30

**DRUGI DIO TAKMIČARSKE SEZONE**

Februar/ veljača	11.02.2026.	Utakmice 1/8 finala Kupa BiH	Srijeda	
	25.02.2026.	Prve utakmice 1/4 finala Kupa BiH	Srijeda	
Mart/ ožujak	11.03.2026.	Revanš utakmice 1/4 finala Kupa BiH	Srijeda	
	14/15.03.2026.	XIV kolo Prve lige FBiH	Subota/nedjelja	15:00
	22.03.2026.	XV kolo Prve lige FBiH	Subota/nedjelja	15:30
	28/29.03.2026.	XVI kolo Prve lige FBiH	Subota/nedjelja	15:30
April/ travanj	01.04.2026.	Prve utakmice 1/2 finala Kupa BiH	Srijeda	
	04.04.2026.	XVII kolo Prve lige FBiH	Subota	16:00
	11/12.04.2026.	XVIII kolo Prve lige FBiH	Subota/nedjelja	16:30
	15.04.2026.	Revanš utakmice 1/2 finala Kupa BiH		
	18/19.04.2026.	XIX kolo Prve lige FBiH	Subota/nedjelja	17:00
	25/26.04.2026.	XX kolo Prve lige FBiH	Subota/nedjelja	17:00
Maj/ svibanj	03.05.2026.	XXI kolo Prve lige FBiH	Nedjelja	17:00
	06.05.2026.	Prva utakmica finala Kupa BiH		
	09/10.05.2026.	XXII kolo Prve lige FBiH	Subota/nedjelja	17:00
	13.05.2026.	Revanš utakmica finala Kupa BiH		
	16/17.05.2026.	XXIII kolo Prve lige FBiH	Subota/nedjelja	17:00
	24.05.2026.	XXIV kolo Prve lige FBiH	Nedjelja	17:30
	30.05.2026.	XXV kolo Prve lige FBiH	Subota	17:30
Juni/lipanj	07.06.2026.	XXVI kolo Prve lige FBiH	Nedjelja	17:30

PREDSJEDNIK  
Muris Jabandžić

Broj: 1432/25  
Sarajevo: 19.06.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 3. sjednici održanoj 19.06.2025. godine u Kupresu, donio je s l j e d e ć u:

**O D L U K U**  
**o kalendaru takmičenja Druge lige Federacije BiH**  
**za takmičarsku sezonu 2025/2026**

**PRVI DIO TAKMIČARSKE SEZONE**

<i>mjesec</i>	<i>datum</i>	<i>kolo</i>	<i>dan</i>	<i>satnica</i>
<b>Avgust/ kolovoz</b>	16/17.08.2025.	<b>I kolo Druge lige FBiH</b>	Subota/nedjelja	17:00
	23/24.08.2025.	<b>II kolo Druge lige FBiH</b>	Subota/nedjelja	17:00
	30/31.08.2025.	<b>III kolo Druge lige FBiH</b>	Subota/nedjelja	16:30
<b>Septembar/ rujan</b>	06/07.09.2025.	<b>IV kolo Druge lige FBiH</b>	subota/nedjelja	16:30
	13/14.09.2025.	<b>V kolo Druge lige FBiH</b>	Subota/nedjelja	16:00
	20/21.09.2025.	<b>VI kolo Druge lige FBiH</b>	Subota/nedjelja	15:30
	<b>24.09.2025.</b>	<b>Završnica Kupa Federacije BiH</b>	<b>Srijeda</b>	<b>15:30</b>
	27/28.09.2025.	<b>VII kolo Druge lige FBiH</b>	Subota/nedjelja	15:30
<b>Oktobar/ listopad</b>	04/05.10.2025.	<b>VIII kolo Druge lige FBiH</b>	Subota/nedjelja	15:00
	11.10.2025.	<b>IX kolo Druge lige FBiH</b>	Subota	15:00
	18/19.10.2025.	<b>X kolo Druge lige FBiH</b>	Subota/nedjelja	14:30
	25/26.10.2025.	<b>XI kolo Druge lige FBiH</b>	Subota/nedjelja	14:30/13:30
	<b>29.10.2025.</b>	<b>Utakmic 1/16 finala Kupa BiH</b>	<b>Srijeda</b>	
<b>Novembar /studen</b>	02.11.2025.	<b>XII kolo Druge lige FBiH</b>	Nedjelja	13:30
	08/09.11.2025.	<b>XIII kolo Druge lige FBiH</b>	Subota/nedjelja	13:30
	16.11.2025.	<b>XIV kolo Druge lige FBiH</b>	Subota/nedjelja	13:30
	22/23.11.2025.	<b>XV kolo Druge lige FBiH</b>	Subota/nedjelja	13:30

**DRUGI DIO TAKMIČARSKE SEZONE**

Februar/ veljača	<b>11.02.2026.</b>	<b>Utakmice 1/8 finala Kupa BiH</b>	<b>Srijeda</b>	
	<b>25.02.2026.</b>	<b>Prve utakmice 1/4 finala Kupa BiH</b>	<b>Srijeda</b>	

Mart/ ožujak	<b>11.03.2026.</b>	<b>Revanš utakmice 1/4 finala Kupa BiH</b>	<b>Srijeda</b>	
	07/08.03.2026.	<b>XVI</b> kolo Druge lige FBiH	Subota/nedjelja	15:00
	14/15.03.2026.	<b>XVII</b> kolo Druge lige FBiH	Subota/nedjelja	15:00
	22.03.2026.	<b>XVIII</b> kolo Druge lige FBiH	Subota/nedjelja	15:30
	28/29.03.2026.	<b>XIX</b> kolo Druge lige FBiH	Subota/nedjelja	15:30

April/ travanj	<b>01.04.2026.</b>	<b>Prve utakmice 1/2 finala Kupa BiH</b>	<b>Srijeda</b>	
	04.04.2026.	<b>XX</b> kolo Druge lige FBiH	Subota	16:00
	11/12.04.2026.	<b>XXI</b> kolo Druge lige FBiH	Subota/nedjelja	16:30
	<b>15.04.2026.</b>	<b>Revanš utakmice 1/2 finala Kupa BiH</b>	<b>Srijeda</b>	
	18/19.04.2026.	<b>XXII</b> kolo Druge lige FBiH	Subota/nedjelja	17:00
	25/26.04.2026.	<b>XXIII</b> kolo Druge lige FBiH	Subota/nedjelja	17:00

Maj/ svibanj	03.05.2026.	<b>XXIV</b> kolo Druge lige FBiH	Nedjelja	17:00
	<b>06.05.2026.</b>	<b>Prva utakmica finala Kupa BiH</b>	<b>Srijeda</b>	
	09/10.05.2026.	<b>XXV</b> kolo Druge lige FBiH	Subota/nedjelja	17:00
	<b>13.05.2026.</b>	<b>Revanš utakmica finala Kupa BiH</b>	<b>Srijeda</b>	
	16/17.05.2026.	<b>XXVI</b> kolo Druge lige FBiH	Subota/nedjelja	17:00
	<b>20.05.2026.</b>	<b>XXVII</b> kolo Druge lige FBiH	<b>Srijeda</b>	<b>17:30</b>
	23.05.2026.	<b>XXVIII</b> kolo Druge lige FBiH	Subota	17:30
	31.05.2026.	<b>XXIX</b> kolo Druge lige FBiH	Nedjelja	17:30

Juni/lipanj	06.06.2026.	<b>XXX</b> kolo Druge lige FBiH	Subota	17:30
-------------	-------------	---------------------------------	--------	-------

PREDSJEDNIK  
Muris Jabandžić



**NOGOMETNI SAVEZ FEDERACIJE BOSNE I HERCEGOVINE**

**PROPozICIJE**  
**takmičenja Prve lige Federacije BiH**  
**za takmičarsku sezonu 2025/2026**

juli/srpanj 2025.

Broj: 1536/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**PROPOZICIJE**  
**takmičenja WWIN Prve lige Federacije BiH**  
**za takmičarsku sezonu 2025/2026**

---

**I - OPĆE ODREDBE**

---

**Član 1.**

1.01. Ovim Propozicijama utvrđuje se način organiziranja i provođenja takmičenja u Prvoj ligi Federacije BiH u takmičarskoj 2025/2026 godini.

---

**II - UČESNICI TAKMIČENJA**

---

**Član 2.**

2.01. U takmičenju za prvenstvo Prve lige Federacije Bosne i Hercegovine za takmičarsku 2025/2026 godinu u Prvoj ligi Federacije BiH sudjeluje 14 (četnaest) klubova sa prostora Federacije BiH.

---

**III – RUKOVOĐENJE TAKMIČENJEM**

---

**Član 3.**

3.01. Takmičenjem Prve lige Federacije BiH rukovodi Izvršni odbor NS FBiH putem Komisije za takmičenje NS FBiH i ostalih komisija Izvršnog odbora i pravnih tijela NS FBiH.

**Član 4.**

4.01. Organi nadležni za provođenje takmičenja Prve lige Federacije BiH su:

- a) Komisija za takmičenje NS FBiH – rukovodi takmičenjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz takmičarskog dijela, određuje delegate za utakmice, vrši analizu obavljanja delegatske dužnosti i drugo;
- b) Komisija za suce i suđenje NS FBiH – rješava žalbe na suđenje, vrši analizu suđenja i rada posmatrača suđenja, određuje suce i posmatrače suđenja na utakmice i drugo;
- c) Komisija za bezbjednost NS FBiH – vrši kontrolu bezbjednosti na utakmicama Prve lige FBiH, predlaže utakmice visokog rizika, predlaže mjere sprječavanja negativnih pojava na stadionima i drugo;
- d) Disciplinska komisija NS FBiH – donosi prvostepene disciplinske odluke;
- e) Apelaciona komisija NS FBiH – drugostepeni organ koji donosi odluke po žalbama na prvostepene odluke iz takmičarskog i disciplinskog dijela;
- f) Prvostepena komisija za licenciranje klubova NS FBiH – odlučuje da li aplikantu može izdati licencu u skladu sa odredbama Pravilnika o licenciranju klubova Prve lige FBiH i u roku određenom za predaju zahtjeva;

- g) Apelaciona (drugostepena) komisija za licenciranje klubova NS FBiH – odlučuje o žalbama aplikanta za licencu te donosi konačnu i obavezujuću odluku o tome da li može izdati licencu;
  - h) Druge komisije Izvršnog odbora NS FBiH.
- 4.02. Ostale nadležnosti i zadaci komisija i pravnih tijela NS Federacije BiH propisani su Pravilnikom o radu Komisija Izvršnog odbora, pravnih tijela i takmičarskih organa NS FBiH, Pravilnikom o licenciranju klubova Prve lige NS FBiH, te ostalim pravilnicima i odlukama Izvršnog odbora NS FBiH i NS/FS BiH.

---

#### IV - USLOVI ZA UČESTVOVANJE U TAKMIČENJU

---

##### **Član 5.**

- 5.01 Za učestvovanje u takmičenju Prve lige Federacije BiH klubovi su obavezni ispunjavati uslove iz Pravilnika o licenciranju klubova Prve lige Federacije BiH.
- 5.02. Za sudjelovanje u takmičenju Prve lige Federacije BiH, pored ostalih, klubovi moraju ispunjavati slijedeće uslove:
- 5.03. **IGRALIŠTA:**
- a. Da posjeduju odgovarajuće igralište sa kvalitetnom travnatom podlogom za igru, sa prirodnom podlogom ili umjetnom podlogom sa potrebnim certifikatom i dozvolom Nogometnog saveza Federacije BiH, dimenzija 100-110 metara dužine i 64-75 metara širine. Teren mora biti zatravljen cijelom površinom i potpuno ravan da bi se omogućilo normalno kretanje.
  - b. Teren za igru mora biti odvojen od gledališta žičanom (zatvorenim) ogradom punog profila i odgovarajućeg kvaliteta. Ograda mora biti udaljena najmanje dva (2) metra od uzdužne linije igrališta i tri (3) metra od poprečne linije iza vrata (golova) u visini kaznenog prostora. Minimalna visina ograde je 120 cm, računajući sa nivoa tribina.
  - c. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetrova. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).
  - d. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.
  - e. Stadioni gdje se igraju utakmice Prve lige Federacije BiH moraju imati tribine sa najmanje 1.500 mjesta za sjedenje, a od toga najmanje 1.000 individualnih sjedišta (sjedalica). Kapacitet može biti ostvaren putem jedne ili više tribina koje su djeljive na zasebne sektore.  
Klubovi koji imaju 1.000 individualnih sjedalica smatra se da ispunjavaju uslove iz Propozicija takmičenja uz obavezu izgradnje dodatnog tribinskog prostora sa najmanje 500 mjesta za stajanje.
  - f. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja i mehanički zaštićen (tunel za izlazak igrača i službenih osoba od svlačionica do terena).

- g. Na stadionu treba biti posebna prostorija za sastavljanje zapisnika. Na stadionima klubova i za utakmice Prve lige FBiH u službenom prostoru za zapisnik, klub domaćin treba da obezbijedi:
  - ispravan kompjuter sa štampačem,
  - ispravnu internet konekciju za potrebe COMET informacionog sistema,Neispunjavanje uslova ove tačke sa sobom povlači disciplinske sankcije.
- h. Klub organizator dužan je obezbijediti jednu kontrolnu sobu za hitno okupljanje krizne grupe na utakmici. Ova kontrolna soba služi za hitno okupljanje: delegata, službenih predstavnika klubova, komesara za bezbjednost domaćina i predstavnika policije u slučaju krizne situacije.
- i. U slučaju krizne situacije formirat će se krizni štab sa delegatom, komesarom za bezbjednost, pripadnicima MUP-a te službenim predstavnicima obje ekipe, koji će ocijeniti ima li elemenata za nastavak ili prekid date utakmice.
- j. Na stadionima Prve lige Federacije BiH mora biti osigurana VIP loža, u centralnom dijelu glavne tribine, odvojena ogradom od ostalog dijela gledališta, sa najmanje 20 (dvadeset) natkrivenih individualnih sjedalica i sigurnim ulaskom na istu. VIP loža služi za smještaj delegacije gostujuće ekipe te predstavnike saveza kojima klub domaćin mora osigurati bezbjednost prije, tokom i nakon završetka utakmice.
- k. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine tri (3) metra, na poziciji središnje crte igrališta kako bi se mogao pokriti cijeli teren za snimanje.
- l. Također, klubovi su dužni obezbijediti dva dodatna mjesta za snimanje utakmica, minimalne visine 3 metra, potpuno zaštićeno od vjetera i kiše a koja se moraju nalaziti u visini linije kaznenog prostora sa potrebnom tehničkom opremom (elektrokablovi).
- m. Snimanje utakmica Prve lige FBiH vršit će neovisna TV agencija koju bira IO NS FBiH. Snimateljima TV agencije klub domaćin je obavezan omogućiti sve uslove za nesmetano i slobodno snimanje, pod prijetnjom disciplinskih sankcija.
- n. Svaki stadion Prve lige Federacije BiH mora imati optimalne uslove za nesmetan prenos od strane TV kuće medijskog sponzora lige
- o. Igralište mora biti primljeno od nadležne Komisije NS FBiH za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.
- p. Klubovi koji ne ispunjavaju uslove iz ovog člana, pod „igralište“ ovih Propozicija, mogu u cilju provođenja takmičenja uzeti pod zakup igralište nekog drugog kluba ili vlasnika potpisivanjem sporazuma o korištenju igrališta, s tim da isti ispunjava uslove iz člana 5.03. pod „igralište“ ovih Propozicija.

**5.04. OSTALI USLOVI:**

- a. Klub mora ispunjavati uslove iz Normativa minimuma stručno-pedagoškog rada za mlađe kategorije nogometaša u osnovnim nogometnim organizacijama;
- b. Klub Prve lige FBiH treba imati organiziranu nogometnu aktivnost za selekcije početnika (U-11), pretpionira (U-13), pionira (U-15), kadeta (U-17) i juniora (U-19).
- c. U cijelom toku takmičarske sezone u stalnim takmičenjima klub Prve lige FBiH mora imati uključene najmanje četiri omladinske selekcije što se odnosi na pretpionire (U-13), pionire (U-15), kadete (U-17) i juniore (U-19), od kojih juniori i kadeti moraju u cijelom toku takmičarske sezone igrati u Omladinskoj ligi BiH grupa „Sjever“, „Centar“, „Zapad“, „Jug“ ili Omladinskoj ligi BiH za juniore koju vodi NS/FS BiH.

- d. Selekcije pionira (U-15) i pretpionira (U-13) kluba člana Prve lige Federacije BiH za seniore, u toku cijele takmičarske sezone moraju igrati u omladinskim ligama kantonalnih/županijskih saveza.
- e. Nema obaveze da klub sa selekcijom početnika (U-11) učestvuje u službenim takmičenjima. Za takve timove treba organizovati prikladne mini turnire, omladinske susrete na lokalnom nivou i slično, kako bi se zabavili i imali šansu da stiču iskustva igrajući sa drugim timovima. Klubovi nisu obavezni registrirati igrače do 11 godina.
- f. Klub koji u toku takmičarske sezone sa nekom od omladinskih selekcija odustane od takmičenja ili shodno odredbama DP NS/FS BiH bude isključen iz takmičenja, snosit će disciplinske sankcije prema odredbama Disciplinskog pravilnika NS/FS BiH.
- g. Klubovi Prve lige Federacije BiH potrebno je da imaju školu nogometa za uzraste od 7-11 godina, u kojoj bi se djeca neprekidno nogometno educirala.
- h. Kantonalni/županijski savezi dužni su sva službena takmičenja u kojima učestvuju navedene kategorije administrativno voditi putem COMET informacionog sistema.
- i. Provjeru uslova iz ovog člana vrši Komisija za takmičenje NS Federacije BiH, o čemu obavještava Izvršni odbor NS FBiH.

---

## V - ORGANIZACIJA TAKMIČENJA

---

### **Član 6.**

- 6.01. Prvenstvena takmičenja provode se po dvostrukom bod-sistemu i vremenski utvrđenom kalendaru, sa dvije takmičarske polusezone, jesen i proljeće.
- 6.02. Kalendar i raspored takmičenja, na prijedlog Komisije za takmičenje NS FBiH, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva, a taj rok može biti pomjeren za 15 dana.
- 6.03. Raspored odigravanja prvenstvenih utakmica prvog dijela određuje se prije početka takmičarske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev Komisiji za takmičenje NS FBiH da im se omogući razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored takmičenja za takmičarsku godinu.
- 6.04. Odluku o izmjenama kalendara takmičenja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi Komisija za takmičenje NS Federacije BiH.
- 6.05. Konačnu odluku o svim zahtjevima kao i modalitetu žrijebanja takmičarskih parova donosi Komisija za takmičenje NS FBiH, s tim da se mora voditi računa da se ne narušava interes i pravo ostalih klubova učesnika takmičenja. Odluka Komisije za takmičenje NS FBiH je konačna.
- 6.06. Komisija za takmičenje NS FBiH može odobriti da žrijebanje takmičarskih parova, umjesto predstavnika klubova vrši neka istaknuta nogometna osoba.
- 6.07. Raspored utakmica za prvenstvo Prve lige FBiH određuje se žrijebom takmičarskih brojeva klubova sudionika i primjenom „Bergerove tablice“.
- 6.08. Takmičenje Prve lige Federacije BiH se administrativno provodi kroz COMET informacioni sistem.

**Član 7.**

- 7.01. Tri posljednja kola u takmičenju Prve lige Federacije BiH igraju se isti dan i u isto vrijeme, u skladu sa Kalendarom takmičenja. Izuzetno, ukoliko određena utakmica nema rezultatski značaj, te ishod iste ne utiče bitno na poredak na tabeli, Komisija za takmičenje NS FBiH može odobriti igranje iste u drugom terminu.

**Član 8.**

- 8.01. Utakmice se igraju u trajanju 2x45 minuta.  
8.02. Odmor između dva dijela igre traje minimalno 10, a maksimalno 15 minuta.

**Član 9.**

- 9.01. Nakon obavljenog žrijeba za raspored takmičenja za prvenstvo Prve lige Federacije BiH, klubovi učesnici takmičenja su obavezni u roku od 8 (osam) dana dostaviti u pismenoj formi Sekretarijatu za ntakmičenje NS FBiH slijedeće informacije:
- mjesto u kojem će kao domaćin igrati svoje prvenstvene utakmice
  - naziv stadiona (stalni i zamjenski)
  - vrijeme odigravanja utakmica (subota-nedjelja)
  - boju sportske opreme (majica, šorc, štucne) u kojoj će nastupati klub, kao i rezervnu boju sportske opreme
  - spisak registrovanih igrača, kao i službenih zvaničnika kluba koji će obavljati dužnosti na prvenstvenim utakmicama

---

**VI - PROMJENA TERMINA ODIGRAVANJA UTAKMICA**

---

**Član 10.**

- 10.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba Komisiji za takmičenje NS FBiH, najkasnije osam (8) dana prije rasporedom utvrđenog termina odigravanja utakmice, a koji u sebi sadrži razlog zbog kojeg se traži promjena termina s priloženom dokumentacijom, iz koje se nesumnjivo može utvrditi opravdanost podnesenog zahtjeva.  
Pored navedenih razloga klub može dati i eventualni prijedlog novog termina, koji treba, ukoliko je moguće, biti usaglašen sa protivničkim klubom.
- 10.02. U slučaju kada zahtjev za promjenu termina nije podnesen shodno odredbi 10.01. ovog člana, ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 10.03. Zahtjev za promjenu termina utakmice je moguće dostaviti najkasnije tri dana prije termina utvrđenog za odigravanje utakmice.
- 10.04. Odluku o zahtjevu kluba za promjenu termina utakmice iz odredbi 10.01. i 10.02. ovog člana donosi Komisija za takmičenje NS FBiH, s tim da se kod donošenja odluke moraju imati u vidu odredbe člana 16. Pravilnika o nogometnim takmičenjima NS/FS BiH.
- 10.05. Odluka Komisije za takmičenje NS FBiH o podnesenom pismenom zahtjevu za promjenu termina odigravanja utakmice je konačna i ona se dostavlja zainteresiranim klubovima i ostalim učesnicima takmičenja.
- 10.06. Izuzetno, Komisija za takmičenje NS FBiH u slučaju ukazane potrebe ili više sile može i u roku kraćem od tri dana donijeti odluku o promjeni termina utakmica.

- 10.07. Shodno potpisanom ugovoru sa sponzorom Prve lige FBiH, po zahtjevu TV kuće, Komisija za takmičenje NS FBiH će donijeti odluku o promjeni termina utakmice.
- 10.08. Komisija za takmičenje NS FBiH, shodno ukazanoj potrebi, može i u drugim slučajevima donijeti odluku o promjeni termina utakmice.

---

## VII - ODLAGANJE UTAKMICE

---

### **Član 11.**

- 11.01. Ako se odlukom nadležnog državnog organa (Vijeće ministara BiH, entitetske vlade ili lokalni organi uprave) proglasi Dan žalosti na području gdje se prema rasporedu takmičenja tog dana igraju utakmice Prve lige Federacije BiH, Komisija za takmičenje NS FBiH može odrediti novi termin odigravanja utakmice, u skladu sa kalendarom takmičenja, pri tome vodeći računa da se obezbijedi regularnost takmičenja.
- 11.02. U slučaju kada zbog Dana žalosti nije izvršeno odlaganje utakmice, obaveza je klubova da prije početka utakmice na terenu za igru odaju počast minutom šutnje ili na drugi prikladan način prema nastradalim zbog čega je proglašen Dan žalosti.
- 11.03. U slučaju kada je Dan žalosti proglašen od strane Vijeća ministara BiH, klub domaćin je obavezan da obezbijedi da na jarbolima stadiona zastave budu spuštene na pola koplja ili jarbola, a igrači na terenu za igru na rukavu dresa mogu nositi obilježje crne trake kao znak žalosti.
- 11.04. Klub domaćin obavezan je da putem razglasa zamoli sve učesnike utakmice da se suzdrže od bilo kakvih postupaka suprotno pijetetu zbog kojeg je proglašen dan žalosti.

### **Član 12.**

- 12.01. Ako se u toku trajanja utakmice, na osnovu javnog saopštenja od strane nadležnog organa iz prethodnog člana, proglasi Dan žalosti, utakmica se neće trajno prekinuti, ali je sudija utakmice dužan da u prvom privremenom prekidu igre zaustavi igru i zatraži od igrača na terenu da minutom šutnje izraze saučešće prema nastradalim ili umrlim osobama.

### **Član 13.**

- 13.01. Kada nadležni organ policije sa područja na kojem se trebaju odigrati rasporedom takmičenja prvenstvene utakmice, obavijesti Komisiju za takmičenje NS FBiH pismenim putem, da bi odigravanje utakmice prema utvrđenim terminima moglo imati ozbiljnih posljedica po bezbjedonosnu situaciju učesnika utakmice, Komisija za takmičenje NS FBiH obavezna je uzeti u razmatranje pismeni zahtjev policijskog organa za odlaganje utakmice, te donijeti odluku u vezi sa odlaganjem utakmice, vodeći računa da se zadovolje kriteriji bezbjedonosnog-sigurnosnog aspekta i zaštite regularnosti takmičenja.
- 13.02. Odlaganje utakmice može trajati najduže do deset dana u odnosu na rasporedom utvrđeni termin. Odluka Komisije za takmičenje NS FBiH je konačna i obavezujuća za sve učesnike utakmice.

### **Član 14.**

- 14.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za takmičenje donosi Komisija za takmičenje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

## VIII - ODAVANJE POČASTI MINUTOM ŠUTNJE I IZNOŠENJE TRANSPARENATA HUMANITARNOG SADRŽAJA NA UTAKMICAMA

---

### **Član 15.**

- 15.01. Odavanje počasti (pijeteta) prema određenim kategorijama lica može se vršiti neposredno prije početka utakmice u objektu stadiona i to u slučajevima: iznenadne smrti (nesreće) igrača, sportskih radnika klubova i pripadnika navijačkih skupina, članova organa i tijela saveza, organa UEFA-e i FIFA-e, stradalih lica u elementarnim i drugim katastrofama, smrti državnih ili entitetskih istaknutih ličnosti, te ako je proglašen Dan žalosti.
- 15.02. Za svaku namjeru odavanja počasti minutom šutnje ili na drugi način, klubovi, organizacije i pojedinci moraju pismeno tražiti odobrenje od Komisije za takmičenje NS FBiH najkasnije 48 sati prije početka utakmice sa detaljnim obrazloženjem i protokolom aktivnosti.
- 15.03. O odluci Komisije za takmičenje NS FBiH podnosioci zahtjeva bit će upoznati najkasnije 8 (osam) sati prije početka utakmice, kao i sva službena lica utakmice (delegat, sudije utakmice), te klubovi.
- 15.04. U slučaju iznenadne smrti ili nesreće lica iz odredbe 15.01. ovog člana, odluku će donijeti delegat utakmice nakon konsultacija sa Sekretarijatom NS FBiH i predsjednikom Komisije za takmičenje NS FBiH.
- 15.05. Za slučajeve iznošenja (isticanja) transparenta čiji sadržaj ima humanitarni karakter: borba protiv rasizma, mržnje, nasilja na stadionima, nacionalizma, pomoći unesrećenim licima u elementarnim i drugim katastrofama, primjenjivat će se odredbe kao i za odavanje počasti.
- 15.06. Za sve ostale posebne protokole (izlazak dječaka na teren, izlazak igrača u majicama sa natpisima i slično) klubovi, organizacije i pojedinci moraju pismeno tražiti odobrenje od Komisije za takmičenje NS FBiH najkasnije 48 sati prije početka utakmice sa detaljnim obrazloženjem i protokolom aktivnosti.

---

## IX - DUŽNOSTI KLUBOVA

---

### **Član 16.**

- 16.01. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalicama najkasnije 90 (devedeset) minuta prije određenog termina za početak utakmice.
- 16.02. Klub domaćin, odnosno organizator u Prvoj ligi FBiH obavezan je osigurati najmanje šest (6) lopti, koje u svemu moraju odgovarati propisima Pravila nogometne igre. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.
- 16.03. Utvrđivanje podobnosti terena za igru vrši sudija utakmice u prisustvu oba kapitena ekipa koje nastupaju na utakmici.
- 16.04. Odluku o podobnosti terena za odigravanje utakmice donosi isključivo sudija utakmice u skladu sa Pravilima nogometne igre.

### **Član 17.**

- 17.01. Klubovi su obavezni doći na stadion na kome će se odigrati utakmica najkasnije 90 (devedeset) minuta prije utvrđenog vremena za početak utakmice i nastupiti sa najboljim sastavom ekipa, te prisustvovati radnom sastanku (brifingu) kojim predsjedava delegat utakmice.

**Član 18.**

- 18.01. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 60 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici i odgovarajuće akreditacije za iste. Sve osobe, igrači i službena lica sa dostavljenog propisanog obrasca za utakmicu, moraju biti licencirane/akreditovane od strane NS/FS BiH i NS FBiH i registrirane u COMET informacionom sistemu.
- 18.02. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

**Član 19.**

- 19.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.
- 19.02. Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije.

**Član 20.**

- 20.01. Svaki stadion mora imati sistem javnog razglasa, koji se može čuti sasvim razgovjetno i koji može nadjačati buku mase izvan stadiona.
- 20.02. Najavljivanje putem sistema javnog razglasa mora biti strogo neutralnog karaktera.
- 20.03. Sistem javnog razglasa ne smije se koristiti za političku propagandu, ne smije podržavati domaći tim niti smije sadržavati nijedan oblik diskriminacije gostujućeg tima.
- 20.04. Zabranjeno je korištenje od strane navijačkih skupina internog razglasa, megafona, sirena i drugih uređaja koji izazivaju buku, nadjačavaju službeni sistem javnog razglasa i ometaju samu utakmicu.

**Član 21.**

- 21.01. Organizator utakmice- javnog skupa je klub domaćin i odgovoran je za organizaciju iste. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, posmatrača suđenja, delegata utakmice, gostujućih navijača (kod organiziranog dolaska), neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega, predviđene ovim Propozicijama takmičenja, Pravilnikom o bezbjednosti na utakmicama saveznog stepena takmičenja NS/FS BiH, kao i ostalim pravilnicima, odlukama, propisima i uputstvima NS/FS BiH i NS FBiH.
- 21.02. Klub domaćin utakmice obavezan je obezbijediti najmanje četiri (4) pripadnika profesionalne zaštitarske agencije, koji će se potpuno profesionalno starati za sigurnost svih aktera utakmice, te odgovarajuću dežurnu redarsku službu s propisno označenim dovoljnim brojem redara/zaštitara zaštitarske organizacije (kojih ne može biti manje od 6), pripadnike policije, liječnika i dežurno sanitetsko vozilo sa osobljem i nosilima, kao i najmanje osam (8) propisno označenih sakupljača lopti adekvatnog uzrasta, ravnomjerno i pravilno raspoređenih oko terena za igru, kao i zadužiti posebno lice za njihov rad.
- 21.03. Klub domaćin obavezan je podnijeti pismenu prijavu i tražiti odobrenje za održavanje javnog skupa utakmice nadležnoj policijskoj upravi Ministarstva unutrašnjih poslova, na čijoj

teritoriji se treba odigrati utakmica, navodeći sve relevantne podatke, a posebno: mjesto i naziv stadiona, vrsta utakmice, imena klubova, datum i vrijeme odigravanja utakmice, kao i procjenu mogućeg broja gledalaca, kako domaćih, tako i gostujućih, ako su najavljeni, te podatke o angažovanim ostalim službama, redarska, ljekarska, sa orijentacionim brojem lica, te druga neophodna saznanja u vezi sa organizacijom utakmice.

- 21.04. Pismeni zahtjev za odobrenje odigravanja utakmice podnosi se najkasnije 72 sata prije određenog termina za odigravanje utakmice ili u rokovima kojima je regulisano ovo pitanje nadležnih organa bezbjednosti u mjestu odigravanja utakmice.
- 21.05. Pismeno odobrenje za odigravanje utakmice klub domaćin obavezno dostavlja na uvid delegatu utakmice prije njenog početka, odnosno na brifingu.
- 21.06. Bez pismenog odobrenja nadležne policijske stanice i prisustva pripadnika policije, dežurne ljekarske službe, sanitetskog vozila, zaštitarske i redarske službe utakmica se neće igrati. Odluku o neodigravanju utakmice donosi delegat utakmice i saopštava je sudiji utakmice i zvaničnim predstavnicima klubova, prije početka utakmice i sve to evidentira u izvještaju delegata utakmice i zapisniku sa utakmice.
- 21.07. Klub domaćin za neispunjavanje ovih obaveza snosi takmičarske i disciplinske posljedice u skladu sa Pravilnikom o nogometnim takmičenjima NS/FS BiH i Disciplinskim pravilnikom NS/FS BiH.
- 21.08. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- 21.09. Promocija, objava ili isticanje na bilo koji način, političkih poruka ili bilo koji drugi vid političkog djelovanja unutar ili u neposrednoj blizini stadiona nije dozvoljeno prije početka utakmice, tokom utakmice i po završetku utakmice.
- 21.10. Na stadionima Prve lige FBiH nije dozvoljeno isticanje transparenta i obilježja neprimjerenog, uvredljivog i nepristojnog sadržaja što podliježe disciplinskoj odgovornosti.
- 21.11. Klubovi učesnici takmičenja dužni su ispoštovati eventualnu odluku nadležnog organa NS FBiH da se iz sigurnosnih razloga zabranjuje organizovani odlazak navijača na gostujuće utakmice njihovih klubova.
- 21.12. Na terenu za igru za vrijeme odigravanja utakmice zabranjen je bilo koji oblik reklamiranja.
- 21.13. Na mrežama, ugaonim zastavicama ili vratima ne može biti izvješten reklamni materijal ili pribor (npr. kamere, mikrofoni i megafoni i sl.). Također je zabranjena reprodukcija logotipa na travnatom dijelu terena za igru (korištenjem lasera i sl.).
- 21.14. Ukoliko se na stadionu za vrijeme odigravanja utakmice koristi sat koji pokazuje odigrano vrijeme utakmice, isti mora biti zaustavljen na kraju regularnog vremena igre svakog dijela igre, tj. nakon isteka 45. i 90. minuta igre.
- 21.15. Klubovi Prve lige FBiH obavezni su na stadion postaviti reklamne panoe i banere kompanije sponzora lige kako je to predviđeno potpisanim ugovorom. Kontrolu navedenog vrše delegati utakmica te dokaze o realizaciji dostavljaju u Sekretarijat NS FBiH.
- 21.16. Klubovi Prve lige FBiH dužni su osigurati elektronski ili manuelni semafor za pokazivanje obavijesti o izmjenama kao i nadoknadi vremena.

## **Član 22.**

- 22.01. Klub domaćin obavezan je neovisnoj snimateljskoj kompaniji, koju ovlasti NS FBiH, omogućiti adekvatne uslove za snimanje utakmice.
- 22.02. Također, TV kompaniji koja vrši direktni prijenos utakmice, osigurati punu sigurnost za opremu i djelatnike prije, za vrijeme i nakon završetka utakmice, u objektu na stadionu.

- 22.03. Ukoliko se vrši TV prenos određene utakmice, trener je obavezan dati izjavu TV kompaniji koja vrši prenos, na mjestu koje je određeno od strane te kompanije. U suprotnom, klub i trener snose disciplinske sankcije.
- 22.04. Ukoliko se neka utakmica emitira u direktnom prenosu putem društvenih mreža, klub je obavezan tražiti saglasnost Nogometnog saveza Federacije BiH najkasnije 48 sati prije odigravanja utakmice. U suprotnom klub snosi disciplinske posljedice. Emitiranje utakmice u direktnom prenosu moguće je uz uslove TV kuće kojoj su ustupljena TV prava.

### **Član 23.**

- 23.01. Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti lica akreditovana od strane NS FBiH ili NS/FS BiH i koja ispunjavaju kriterije u postupku licenciranja za takmičenje Prve lige Federacije BiH, i to:
1. Službeni predstavnik kluba,
  2. Glavni trener sa PRO ili A UEFA trenerskom licencom registriran u COMET informacioni sistem;
  3. Jedan ili dva pomoćna trenera sa PRO, A ili B trenerskom licencom registriran u COMET informacioni sistem;
  4. Igrači;
  5. Ljekar kluba na domaćim utakmicama;
  6. Fizioterapeut;
  7. Komesar za bezbjednost na domaćim utakmicama.
- 23.02. Pored gore navedenih lica, svaki klub može dodatno prijaviti i do 5 (pet) ostalih službenih lica (trener vratara, kondicioni trener, drugi fizioterapeut, ljekar i dr.), koja moraju biti akreditovana/licencirana od strane NS FBiH ili NS/FS BiH. Klub organizator treba osigurati do 5 (pet) dodatnih mjesta za ova lica, i to pored tehničkog prostora (na udaljenosti od 5 m). U pogledu ponašanja i odijevanja na ova lica primjenjuju se isti propisi kao i za službena lica unutar tehničkog prostora.
- 23.03. U pogledu odijevanja lica u tehničkom prostoru obavezno se primjenjuju slijedeći standardi:
1. Predstavnik kluba u odijelu (sa kravatom ili ne, uz istaknutu akreditaciju izdatu od NS FBiH)
  2. Komesar bezbjednosti u odijelu (sa kravatom ili ne, uz istaknutu akreditaciju izdatu od NS FBiH)
  3. Glavni trener u odijelu (sa kravatom ili ne), ili treneri kluba;
  4. Dva pomoćna trenera u treneri kluba
  5. Igrači u sportskoj opremi kluba sa markerima
  6. Ljekar kluba, odijelo ili u treneri kluba
  7. Fizioterapeut u treneri kluba
- 23.04. U slučaju nepoštivanja navedenih uslova klub snosi disciplinsku odgovornost.
- 23.05. Klubovi Prve lige Federacije BiH obavezni su imati minimalno jednog glavnog i jednog pomoćnog trenera u tehničkom prostoru sa odgovarajućom UEFA licencom.
- 23.06. Predstavnik kluba, glavni trener ili pomoćni trener ne mogu biti ista osoba.
- 23.07. Jedna osoba ne može biti akreditovana i registrirana na dvije funkcije u klubu.
- 23.08. Osoba koja je u COMET informacionom sistemu registrirana kao igrač i kao trener, na istoj utakmici može obavljati samo jednu funkciju (igrač ili trener).
- 23.09. Predstavnik kluba, komesar za bezbjednost, ljekar i fizioterapeut obavezni su posjedovati odgovarajuću takmičarsku akreditaciju koju izdaje NS FBiH.

- 23.10. Glavni treneri i treneri obavezni su posjedovati validnu UEFA licencu te ispuniti sve uslove za registraciju trenera u COMET informacioni sistemu.
- 23.11. Validnost izdatih potrebnih dokumenata mogu kontrolisati samo subjekti koji su ih i izdali, a delegat na utakmici utvrđuje njihovo posjedovanje, odnosno identitet lica.
- 23.12. Osobe sa spiska prijavljenih lica koje nemaju odgovarajuću akreditaciju, ne mogu se nalaziti u tehničkom prostoru, osim zamjenskih igrača.
- 23.13. Na klupi kluba Prve lige FBiH mogu sjediti glavni trener i treneri samo sa validnom UEFA licencom a koji su registrirani putem COMET informacionog sistema.
- 23.14. UEFA trenerske licence moraju biti validne da bi isti bili registrirani u COMET informacioni sistem.
- 23.15. Takmičarske akreditacije službenog predstavnika, komesara bezbjednosti, ljekara i fizioterapeuta kluba Prve lige FBiH validne su ako su izdane od strane NS FBiH za takmičarsku 2025/2026 godinu.
- 23.16. Sva akreditirana/licencirana službena lica moraju biti unesena i evidentirana u COMET informacioni sistem sa adekvatnom fotografijom (treneri, predstavnici kluba, ljekari, fizioterapeuti i komesari za bezbjednost), od strane administracije NS FBiH.

#### **Član 24.**

- 24.01. Za vrijeme odigravanja utakmica bez prisustva gledalaca, pored osoba iz člana 21. i 23. ovih Propozicija, mogu biti prisutni članovi uprava klubova, (maksimalno 20 osoba po klubu uz dostavljeni spisak), akreditovani novinari i fotoreporteri, osobe iz administracije kluba-domaćina prema spisku sa imenima.
- 24.02. Članovi uprava klubova i osobe iz administracije kluba-domaćina obavezni su boraviti u VIP loži.

---

### **X - NASTUPANJE NA UTAKMICI**

---

#### **Član 25.**

- 25.01. Klubovi su dužni nastupiti na svim utakmicama stalnog takmičenja koje su odlukama takmičarskog organa zakazane, predviđene ili odlukom sudije privremeno prekinute, bez obzira na okolnosti u kojima su se nalazili u vrijeme kada su obavješteni da nastupe, odnosno da nastave igranje utakmice.
- 25.02. Klub koji odbije da nastupi ili ne odigra utakmicu iz odredbe 25.01. ovog člana, odgovoran je za učinjeni propust u takmičarskom i disciplinskom smislu.
- 25.03. Organ koji rukovodi takmičenjem, u svim navedenim slučajevima iz ovog člana, takve utakmice registrovati će po službenoj dužnosti 3:0 (par forfe) u korist protivnika i podnijeti zahtjev disciplinskom organu za utvrđivanje disciplinske odgovornosti.

---

### **XI - NAJMANJI BROJ IGRAČA U IGRI**

---

#### **Član 26.**

- 26.01. Utakmica ne može da počne po Pravilima nogometne igre ako jedna od ekipa nema najmanje sedam igrača na terenu za igru, od kojih je jedan vratar i kapiten.
- 26.02. Igrači, koji nisu upisani do početka utakmice u zapisnik sa utakmice, ne mogu nastupiti na utakmici.

- 26.03. Ako jedna ekipa za vrijeme igre ostane sa manje od sedam igrača, sudija je dužan da zaustavi igru, a ako u roku od pet minuta klub ne nastupi s minimalnim brojem igrača, sudija je dužan da označi kraj utakmice.

#### **Član 27.**

- 27.01. Svaka ekipa u zapisnik sa utakmice prijavljuje maksimalno 20 igrača. Klubovi koji nemaju najmanje 16 igrača u zapisniku sa utakmice snosit će disciplinske sankcije.
- 27.02. U igri učestvuje 11 prijavljenih igrača, a tokom igre mogu se izvršiti do pet zamjena tokom tri prekida na utakmici (izmjene koje se vrše prije početka drugog dijela igre – u poluvremenu – ne računaju se kao prekid).  
Ukoliko neka od ekipa izvrši do pet zamjena u više od tri prekida na utakmici snosit će takmičarske posljedice te će utakmica biti registrovana službenim rezultatom u korist protivnika.
- 27.03. Igrače i službene osobe koje klub prijavi u zapisnik za utakmicu a ne pojave se na istoj delegat je dužan po završetku utakmice iste brisati iz zapisnika te prijaviti da nisu bili prisutni na utakmici.

#### **Član 28.**

- 28.01. Ekipe na jednoj utakmici ne mogu igrati u istim ili sličnim bojama dresova. Ekipe su dužne usaglasiti boje opreme 72 sata prije zvaničnog termina odigravanja utakmice, u skladu sa prijavljenim osnovnim bojama.
- 28.02. U protivnom, dresove će promijeniti domaća (prvoimenovana) ekipa. Ukoliko jedna od ekipa ne poštuje prijavljene boje dresova, ista snosi disciplinsku odgovornost.

---

## **XII - PRAVO NASTUPA IGRAČA**

---

#### **Član 29.**

- 29.01. Na prvenstvenim utakmicama mogu nastupiti igrači koji su stekli pravo igranja prema odredbama Pravilnika o registracijama klubova i igrača i statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina ali sa obaveznom specijalističkim ljekarskim pregledom koji nadležni registracioni savez unosi u COMET informacioni sistem, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se proglašava sposobnim za nastupanje na utakmicama seniorskog uzrasta.
- 29.02. U sastavu prijavljene ekipe – zapisniku sa utakmice moraju se nalaziti najmanje četiri igrača mlađa od 21 godine života od kojih najmanje tri obavezno moraju početi utakmicu.  
Najmanje tri igrača do 21 godine života obavezni su biti u igri cijelim tokom prvog poluvremena, a najmanje jedan igrač do 21 godine života obavezan je biti u igri cijelim tokom utakmice.  
Te igrače mogu zamijeniti drugi igrači, ali klub cijelim tokom prvog poluvremena mora imati najmanje tri igrača do 21 godine, a u preostalom dijelu utakmice mora imati najmanje jednog igrača do 21 godine, što se ne odnosi na izmjenu golmana u slučaju povrede, a u suprotnom klub snosi takmičarske i disciplinske posljedice.
- 29.03. Ukoliko klub Prve lige FBiH u početnoj postavi ima više od tri igrača mlađa od 21 godine tog igrača može zamijeniti stariji igrač uz uslov da u igri cijelim tokom prvog poluvremena moraju biti najmanje tri igrača mlađa od 21 godine.
- 29.04. Pravilo nastupa mlađih igrača od 21 godine odnosi se samo na igrače državljanke BiH.

- 29.05. Za takmičarsku 2025/2026 godinu, igrači mlađi od 21. godine života smatraju se igrači rođeni 01.01.2004. godine i mlađi.
- 29.06. Pravo nastupa igrača stranih državljana regulisano je odredbama Pravilnika o registracijama klubova i igrača i statusu i transferu igrača NS/FS BiH. Klub može imati više registrovanih igrača stranih državljana, s tim što 4 (četiri) igrača strana državljana mogu biti upisani u zapisnik sa utakmice i imaju pravo nastupa na jednoj utakmici. U suprotnom, klub snosi takmičarske i disciplinske posljedice.
- 29.07. Shodno odredbama Pravilnika o registracijama klubova i igrača i statusu i transferu igrača NS/FS BiH, u toku takmičarske sezone klub može po osnovu ustupanja registrirati najviše četiri igrača, s tim što najviše tri mogu nastupiti na jednoj utakmici. U suprotnom, klub snosi takmičarske i disciplinske posljedice.
- 29.08. Na utakmicama Prve lige Federacije BiH mogu nastupiti igrači Wwin lige BiH sa „dvojnomo registracijom“, a shodno Pravilniku o saradnji klubova Wwin lige BiH i Prvih liga NS FBiH i FS RS. Uslovi o načinu registracije i prava nastupa propisani su navedenim Pravilnikom.
- 29.09. Igrač strani državljanin kojem istekne boravišna dozvola nema pravo nastupa, a ako nastupi takav igrač, klub snosi takmičarske i disciplinske posljedice.
- 29.10. Igrači sa dvojnomo državljanstvom ne smatraju se stranim državljanima.
- 29.11. Igrač koji je registrovan za veliki nogomet i futsal može nastupiti isti dan na dvije utakmice i to isključivo jednu u futsalu i jednu u velikom nogometu.
- 29.12. Igrač koji nije unesen u COMET sistem ne može nastupiti za svoju ekipu na utakmici.
- 29.13. Ukoliko oba kluba naprave prekršaj iz gore navedenih stavova, a za koji se snose takmičarske posljedice, takva utakmica će biti registrovana kao odigrana, ali se neće uzeti u obzir ostvareni rezultat na istoj.

---

### XIII - IDENTITET IGRAČA

---

#### **Član 30.**

- 30.01. Na prvenstvenim utakmicama mogu nastupiti samo igrači čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 30.02. Identitet se u pravilu utvrđuje prije početka utakmice.
- 30.03. Za igrače koji su zakasnilo na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

---

### XIV - LJEKARSKI PREGLED I ČLANARINA

---

#### **Član 31.**

- 31.01. Svaki igrač koji nastupa u takmičenju mora u COMET informacioni sistem imati unesen period važenja ljekarskog pregleda i period za koji je uplaćena članarina. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.

- 31.02. Rok važnosti ljekarskog pregleda za igrače koji na dan izvršenog pregleda ima najmanje 17 (sedamnaest) i više godina života traje 6 (šest) mjeseci, a za mlađe igrače 4 (četiri) mjeseca.
- 31.03. Za igrača koji nema upisan važeći ljekarski pregled u COMET informacijski sistem ili važeću potvrdu, delegat utakmice neće dozvoliti nastup na utakmici.
- 31.04. Za sva ostala pitanja u vezi sa ljekarskim pregledom igrača primjenjivat će se odredbe člana 56. Pravilnika o nogometnim takmičenjima NS/FS BiH.

---

## **XV – PREDSTAVNIK BEZBJEDNOSTI**

---

### **Član 32.**

- 32.01. Na utakmicama na kojima je potrebno prisustvo predstavnika bezbjednosti, istog određuje Komisija za bezbjednost NS FBiH, a nakon obavljenih konsultacija sa Komisijom za takmičenje NS FBiH i Sekretarijatom NS FBiH.
- 32.02. Uloga i obaveze predstavnika bezbjednosti definisane su Uputstvom koje donosi Komisija za bezbjednost NS FBiH.
- 32.03. Troškove predstavnika bezbjednosti na utakmicama Prve lige FBiH snosi Nogometni savez Federacije BiH u skladu sa Pravilnikom o dnevnicama, putnim troškovima, taksama, članarinama i drugim naknadama NS FBiH.

---

## **XVI - DELEGAT NA UTAKMICI**

---

### **Član 33.**

- 33.01. Delegata na utakmici određuje Komisija za takmičenje NS FBiH, sa usvojene liste delegata za sezonu 2025/2026.
- 33.02. Ukoliko na utakmicu ne dođe delegirani delegat, njegovu dužnost preuzima posmatrač suđenja na toj utakmici.
- 33.03. Delegat zastupa Komisiju za takmičenje NS FBiH i ima vrhovni nadzor na utakmici.
- 33.04. Komisija za takmičenje NS FBiH donosi posebno Uputstvo o vršenju dužnosti delegata.
- 33.05. Delegat i sudije su obavezni dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev Komisije za takmičenje NS FBiH.

### **Član 34.**

- 34.01. Delegat je obavezan da 90 minuta prije početka utakmice održi radni sastanak (brifing) sa predstavnicima klubova, četvrtim sucem, komesarom za bezbjednost kluba domaćina i predstavnikom policije.  
Kašnjenje na radni sastanak – brifing povlači disciplinsku odgovornost.

---

## **XVII - POSMATRAČ SUĐENJA**

---

### **Član 35.**

- 35.01. Posmatrača suđenja određuje Komisija za suce i suđenje NS FBiH, sa liste posmatrača suđenja za sezonu 2025/2026.

- 35.02. Uloga i obaveze posmatrača suđenja su definisane Uputstvom koje donosi Komisija za suce i suđenje NS FBiH.

---

## **XVIII - SUCI**

---

### **Član 36.**

- 36.01. Utakmice Prve lige Federacije BiH mogu voditi samo sudije sa liste sudaca Prve lige FBiH sa ispitom suca prve kategorije, čije određivanje vrši Komisija za suce i suđenje NS FBiH, u skladu sa odlukom Izvršnog odbora NS FBiH. Utakmice Prve lige Federacije BiH, na zahtjev Komisije za suce i suđenje NS FBiH, mogu suditi i suci sa liste Premijer lige BiH.
- 36.02. Izuzetno, sudije sa liste neposredno nižeg stepena takmičenja (Druga liga FBiH) koji se nalaze u talent i mentor programu, mogu suditi utakmice Prve lige FBiH sa zvanjem suca prve kategorije.

### **Član 37.**

- 37.01. Sudija utakmice je dužan da prije početka utakmice pregleda i odluči da li je teren podoban za igru.
- 37.02. Ako sudija utvrdi u prisustvu dva kapitena ekipa da je teren nepodoban za igru, utakmica se neće igrati, a sudija će sačiniti poseban izvještaj o nepodobnosti terena za igru.
- 37.03. Sudija je dužan da nakon utakmice u svom izvještaju navede podatke koje se odnose na postignute pogotke, zamijenjene, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

### **Član 38.**

- 38.01. Za utakmice Prve lige Federacije BiH može biti određen i supervizor, a određuje ga predsjednik NS FBiH u saradnji sa dopredsjednikom NS FBiH.

---

## **XIX - ZAPISNIK SA UTAKMICE**

---

### **Član 39.**

- 39.01. Delegat sastavlja zapisnik sa utakmice. Zapisnik sa utakmice se popunjava elektronski, u COMET sistemu. Klubovi su dužni prije početka utakmice dostaviti ovjeren i potpisan spisak igrača i službenika svoje ekipe na propisanom obrascu.
- 39.02. Po završetku utakmice zapisnik sa utakmice sastavljen putem COMET sistema, sravnjavaju delegat i sudija, nakon čega delegat zaključi izvještaj fair playa, a sudija utakmice svojom šifrom zaključuje zapisnik sa odigrane utakmice.
- 39.03. Delegat i glavni sudija odgovorni su za tačnost podataka u zapisniku.

---

## **XX - REGISTRACIJA UTAKMICA**

---

### **Član 40.**

- 40.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komisija za takmičenje NS FBiH registruje postignutim rezultatom.

- 40.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim takmičenjima NS/FS BiH.
- 40.03. Komisija za takmičenje NS FBiH vrši analizu i registraciju odigranih utakmica na prvom narednom sastanku.
- 40.04. Izuzetno, Komisija za takmičenje NS FBiH registraciju odigranih utakmica može izvršiti putem e-maila ili telefona. Verifikaciju registrovanih utakmica vrši Komisija za takmičenje NS FBiH na prvoj narednoj sjednici.
- 40.05. Ako je na utakmicu uložena žalba, rok za registraciju utakmice se produžava do konačne odluke.

---

## **XXI - ŽALBE**

---

### **Član 41.**

- 41.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramske ili e-mailom koji ima automatski ispis datuma i vremena o najavi žalbe.
- 41.02. Žalba sa pismenim obrazloženjem sa dokazom o uplaćenju taksu mora se dostaviti u NS Federacije BiH u roku od 48 sati po odigranoj utakmici.
- 41.03. Ukoliko rok za ulaganje žalbe ili najava žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 41.04. Žalba se dostavlja putem Sekretarijata NS FBiH, Komisiji za takmičenje NS FBiH.
- 41.05. Uz žalbu se dostavlja dokaz o uplaćenju taksu u skladu sa odlukom IO NS FBiH.

### **Član 42.**

- 42.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene, a utakmica će se registrovati postignutim rezultatom.
- 42.02. Odluke po uložnim žalbama će biti donijete u roku od osam dana od dana prijema žalbe, a iznimno taj rok može biti i produžen.
- 42.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučene pisma ili telegrama, datum na faksu kao potvrdu o žalbi te datum na novčanoj uplatnici.

### **Član 43.**

- 43.01. Žalbe u prvom stepenu rješava Komisija za takmičenje NS FBiH.

### **Član 44.**

- 44.01. Žalbe u drugom stepenu rješava Apelaciona komisija NS FBiH
- 44.02. Žalbe na odluke Komisije za takmičenje NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 44.03. Za utakmice posljednja dva kola rok za podnošenje žalbe drugostepenom organu je tri dana.
- 44.04. Odluke o podnijetim žalbama na odluke Komisije za takmičenje NS FBiH donose se u razumnom roku.
- 44.05. Žalbe na odluke Disciplinske komisije NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.

44.06. Protiv odluke Apelacione komisije ne može se uložiti žalba.

**Član 45.**

45.01. Organ koji donosi odluke može utvrditi i skraćeni žalbeni postupak.

---

**XXII - DISCIPLINSKE SANKCIJE**

---

**Član 46.**

46.01. O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH i odluke Izvršnog odbora NS FBiH broj 1545/25 od 07.07.2025. godine.

---

**XXIII - UTVRĐIVANJE PLASMANA**

---

**Član 47.**

47.01. Plasman klubova na tabeli utvrđuje se prema odredbama člana 43. Pravilnika o nogometnim takmičenjima NS/FS BiH.

47.02. Shodno odlukama IFAB-a gol u gostima se ne računa dvostruko;

47.03. Prvak Prve lige Federacije BiH na kraju takmičarske sezone 2025/2026 prelazi u viši rang-WWin ligu BiH.

---

**XXIV - POPUNJAVANJE LIGE**

---

**Član 48.**

48.01. Prvu ligu Federacije BiH u takmičarskoj sezoni 2026/2027 popunjavaju dva kluba Druge lige FBiH „Sjever“, „Centar“, „Zapad“ i „Jug“ koji će se dobiti nakon odigranog doigravanja.

48.02. U doigravanju za ulazak u Prvu ligu Federacije BiH učestvuju samo prvoplasirani klubovi.

48.03. Istovremeno, ti klubovi moraju ispunjavati i sve ostale uslove propisane Propozicijama takmičenja, Pravilnikom o licenciranju klubova za učešće u takmičenju Prve lige NS FBiH i drugim odlukama Izvršnog odbora NS FBiH.

48.04. Prvu ligu Federacije BiH u takmičarskoj sezoni 2025/2026 popunjavaju klubovi iz NS FBiH koji po osnovu plasmana iz prethodne sezone napuštaju WWin ligu BiH, ako ispunjavaju uslove u postupku licenciranja klubova za takmičenje u Prvoj ligi FBiH.

48.05. Na kraju takmičarske sezone 2025/2026, Prvu ligu Federacije BiH napustit će onoliko klubova koliko je potrebno da bi se Prva liga FBiH popunila klubovima koji ispadaju iz takmičenja WWin lige i klubovima pobjednicima doigravanja za ulazak u Prvu ligu FBiH a da bi Prva liga FBiH u takmičarskoj sezoni 2025/2026 brojala 14 klubova, osim ako Skupština NS FBiH ne odluči drugačije.

48.06. U slučaju da u doigravanje za ulazak u Prvu ligu FBiH plasman ostvare tri kluba doigravanje će se igrati na sljedeći način:

- prvi par čine klubovi prvaci Druge lige Federacije BiH koji su dobili licencu za učešće u takmičenju Prve lige FBiH, prema sistemu domaćin-gost nakon obavljenog žrijeba;

- treći klub Druge lige Federacije BiH koji je dobio licencu za učešće u takmičenju Prve lige FBiH, igrat će kvalifikacije sa prvim narednim klubom Prve lige FBiH prema plasmanu i dobijenom licencom, prema sistemu domaćin-gost nakon obavljenog žrijeba;
- 48.07. Ukoliko plasman u doigravanje za ulazak u Prvu ligu FBiH ostvare dva kluba iz četiri grupe Druge lige FBiH i dobiju licencu za učešće u takmičenju Prve lige FBiH, doigravanje se neće igrati već će plasman u Prvu ligu FBiH ostvariti oba kluba;
- 48.08. Ukoliko neki od klubova koji je rezultatski obezbijedio učešće u takmičenju Prve lige FBiH ne dobije licencu za učešće u takmičenju Prve lige FBiH za sezonu 2026/2027 status prvoligaša zadržava prvi naredni klub koji nije rezultatski ostvario plasman u Prvoj ligi FBiH a koji je dobio licencu za takmičarsku sezonu 2026/2027.
- 48.09. Izuzetno, Prvu ligu Federacije BiH može popuniti i poraženi klub/klubovi iz baraža za ulazak u Prvu ligu FBiH koji je ostvario bolji rezultat i to samo ako se ukaže mjesto za popunu Prve lige FBiH.  
Također izuzetno, Prvu ligu Federacije BiH može popuniti i prvi naredni klub Druge lige FBiH prema plasmanu a koji je dobio licencu, ako se ukaže mjesto za popunu Prve lige FBiH i to samo iz one grupe u koju ispada klub Prve lige FBiH koji nije dobio licencu.
- 48.10. Pri ocjeni bolje ostvarenog rezultata poraženih klubova iz doigravanja u obzir se uzima gol razlika. Ukoliko je gol razlika identična u obzir se uzima broj datih i primljenih pogodaka. Ukoliko je i broj datih i primljenih golova identičan u obzir se uzima fair-play tabela, s tim što žuti karton donosi jedan negativan broj, a crveni karton dva negativna boda. Ukoliko je sve identično, plasman u Prvu ligu FBiH će se odlučiti žrijebom.
- 48.11. Način doigravanja za ulazak u Prvu ligu Federacije BiH propisani su Propozicijama takmičenja Druge lige FBiH.
- 48.12. Uslovi za prijem u takmičenje Prve lige Federacije BiH propisani su Pravilnikom o licenciranju klubova NS FBiH.
- 48.13. Ukoliko klub koji je nakon odigranih kvalifikacija ostvario plasman u Prvu ligu FBiH odustane od takmičenja, shodno odredbama Disciplinskog pravilnika NS/FS BiH, vraća se u najniži stepen takmičenja, a protiv odgovornih osoba kluba, predsjednika i direktora, Komisija za takmičenje NS FBiH će podnijeti prijavu za pokretanje disciplinskog postupka kod nadležnog disciplinskog organa.
- 48.14. U slučaju da klub odustane od takmičenja Prve lige FBiH do prvog kola, Izvršni odbor NS FBiH donosi odluku o načinu popune lige.

---

## XXV - FINANSIJSKE ODREDBE

---

### **Član 49.**

- 49.01. Prihodi sa prvenstvenih utakmica pripadaju klubu domaćinu.

### **Član 50.**

- 50.01. Službenim licima na utakmici pripada odgovarajuća naknada, koja uključuje taksu, dnevnicu i putne troškove, u skladu sa Pravilnikom o dnevnicama, putnim troškovima, taksama, članarinama i drugim naknadama NS FBiH.
- 50.02. Sve isplate vrše se poslije odigravanja utakmica, najkasnije 24 sata po odigranoj utakmici, obavezno na žiro račune službenih osoba.

- 50.03. Ukoliko klub ne isplati službena lica ili ih djelomično isplati, klubu se ostavlja dodatni rok od 24 sata da izmiri troškove, nakon čega se podnosi prijava za pokretanje disciplinskog postupka protiv kluba.
- 50.04. Klub je dužan validan dokaz o isplati naknada za službena lica, dostaviti delegatu na brifingu prije početka prve naredne utakmice.
- 50.05. Delegat je dužan na brifingu, sat i pol prije početka utakmice, izvršiti provjeru da li je klub isplatio pripadajuće naknade svakom službenom licu pojedinačno što se odnosi na prethodnu utakmicu.

#### **Član 51.**

- 51.01. Izvršni odbor NS Federacije BiH prije početka prvenstva donosi odluku o visini troškova takmičenja. Kotizacija za takmičenje se utvrđuje za cijelu takmičarsku sezonu uz mogućnost da klubovi uplatu izvrše u dvije rate, svaku prije početka takmičarske polusezone.
- 51.02. Ukoliko klub odustane od takmičenja u toku takmičarske sezone, obavezan je izvršiti uplatu kotizacije za takmičenje u cijelosti.
- 51.03. Neizvršenje obaveza povlači disciplinske posljedice u skladu sa odredbama Disciplinskog pravilnika NS/FS BiH.

---

### **XXVI - NAGRADE**

---

#### **Član 52.**

- 52.01. Nogometni savez Federacije BiH prvoplasiranoj ekipi Prve lige FBiH dodjeljuje pehar u trajno vlasništvo.
- 52.02. Igračima, tehničkom i stručnom rukovodstvu prvoplasiranog kluba dodjeljuje se 35 medalja.

---

### **XXVII - ZAVRŠNE ODREDBE**

---

#### **Član 53.**

- 53.01. Za sve što nije predviđeno ovim Propozicijama, važe odredbe Pravilnika o nogometnim takmičenjima NS/FS BiH, Pravila nogometne igre i drugih propisa NS FBiH, NS/FS BiH, FIFA-e i UEFA-e.

#### **Član 54.**

- 54.01. Propozicije stupaju na snagu danom objavljivanja na web stranici Saveza, a primjenjuju se za takmičarsku sezonu 2025/2026.

**P R E D S J E D N I K**

**Muris Jabandžić**

**NOGOMETNI SAVEZ FEDERACIJE BiH**  
**KOMISIJA ZA SPORTSKU MEDICINU NS FBiH**

*(Aneks Propozicija takmičenja za takmičarsku sezonu 2025/2026)*

**ANEKS – MINIMUM MEDICINSKIH ZAHTJEVA ZA TRETMAN IGRAČA, STRUČNOG ŠTABA TIMA I SUDIJSKOG TIMA**

Ovaj dokument detaljno specificira minimum medicinskih zahtjeva za takmičenje u Prvoj ligi Federacije BiH u smislu usluga koje treba osigurati klub domaćin za tretman igrača, stručnog štaba tima i sudijskog tima. Konkretni zahtjevi za svako takmičenje specificirani su u svakom odjeljku.

**1. Ambulatna kola**

Obavezni zahtjevi važe za:

- a) dan igranja utakmice na stadionu odigravanja utakmice Prve lige FBiH

U takmičenju Prve lige FBiH klub domaćin je odgovoran za obezbjeđenje ambulantnih kola ALS (za naprednu podršku kod životne ugroženosti) s najmanje jednim članom paramedicinskog osoblja smještenih na pogodnom mjestu kako bi se omogućila hitna medicinska evakuacija s terena bez odlaganja.

Kada su ambulatna kola potrebna na stadionu, savjetuje se ukoliko se ne mogu obezbjeđiti ambulatna kola javnog zdravstvenog servisa da se koriste privatna ambulantna kola, da bi se osiguralo prisustvo ambulantnih kola na stadionu za potrebni period (3 sata).

Obavezni	Preporučeni
<p>1 x kompletno opremljena ambulantna kola ALS:</p> <ul style="list-style-type: none"> <li>• koja bi se koristila samo za tretman igrača, stručnog štaba tima, sudijskog tima i oficire utakmice</li> <li>• koja bi bila prisutna 30 minuta prije početka utakmice, za vrijeme trajanja utakmice i do 30 minuta nakon utakmice (ukupno 3 sata)</li> <li>• lokaciju treba potvrditi ljekarima tima pri dolasku na stadion</li> <li>• da se nalaze u području stadiona s kojeg je omogućen najbolji brzi izlazak s područja terena/svlačionica za hitnu medicinsku evakuaciju</li> </ul>	<ul style="list-style-type: none"> <li>• da ambulantna kola sadrže kompletno opremljenu torbu za hitnu pomoć i AED defibrilator</li> <li>• da ambulantna kola imaju najmanje jednog člana paramedicinskog osoblja</li> </ul>

**2. Ljekarsko osoblje**

Obavezni zahtjevi važe za:

- a) dan igranja utakmice u Prvoj ligi FBiH

Klub domaćin odgovoran je za obezbjeđenje jednog ljekara obučenog za hitnu medicinsku pomoć koji će biti prisutan uz ivicu terena najmanje od trenutka dolaska timova na stadion i do njihovog odlaska. Tu ulogu može vršiti ljekar domaćeg tima, pod uslovom:

- da je ljekar tima obučen i kvalifikovan za hitnu prvu ljekarsku pomoć i tehnike pružanja pomoći;
- da je imenovan neki drugi dužnosnik iz kluba domaćina za olakšavanje hitne medicinske evakuacije sa stadiona bez odlaganja.

Obavezni	Preporučeni
	<p>1 x ljekar za hitnu medicinsku pomoć uz teren za igru:</p> <ul style="list-style-type: none"> <li>• Vršiti ulogu medicinskog koordinatora za stadion izuzev ako je obezbijeđen i specifični medicinski koordinator.</li> <li>• Odgovoran za osiguranje potrebne medicinske opreme uz ivicu terena specificirane u poglavlju 1.</li> <li>• Odgovoran samo za tretman igrača, stručnog štaba tima, sudijskog tima i oficira utakmice.</li> </ul>
1 x ekipa za nosila (s nosilima od lesonita i najmanje dva obučena nosača (kvalifikacija u pružanju prve pomoći/iskustvo u nošenju pacijenata na nosilima)).	

KOMISIJA ZA SPORTSKU MEDICINU  
NS FEDERACIJE BIH

**NOGOMETNI SAVEZ FEDERACIJE BiH  
KOMISIJA ZA SPORTSKU MEDICINU NS FBiH**

Na osnovu člana 21. Pravilnika o radu Komisija Izvršnog odbora i pravnih tijela Nogometnog saveza Federacije Bosne i Hercegovine, Komisija za sportsku medicinu NSFBiH donosi s l j e d e ć u

**O D L U K U  
o obavezujućim elementima za ljekarski pregled igrača**

**Član 1.**

**Ljekarski pregled igrača mora sadržavati sljedeće minimalne obavezujuće elemente:**

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,**
- b) Oftalmološki pregled,**
- c) Stomatološki pregled,**
- d) Ostale testove i analize prema indikaciji.**

**Član 2.**

**Ova Odluka stupa na snagu danom objavljivanja u Službenom glasniku NS FBiH.**

**O b r a z l o ž e n j e**

Komisija za sportsku medicinu NS FBiH je razmatrala odredbe poglavlja XIV Propozicija takmičenja Prve lige Federacije BiH (Ljekarski pregled i članarina).

Istim poglavljem predviđa se obaveza da svaki igrač, koji nastupa u nekom od prednje navedenih takmičenja, obavezno mora imati upisan nalaz o izvršenom ljekarskom pregledu koji sadrži ocjenu o zdravstvenoj sposobnosti u COMET informacionom sistemu.

Član 31.02. Propozicija takmičenja predviđa i spisak obavezujućih elemenata a za čije donošenje propisuje nadležnost Komisije za sportsku medicinu NSFBiH.

Shodno prednje navedenom, a kako bi se u potpunosti ispoštovala odredba ovog člana, te precizirala i pojednostavila njegova primjena u praksi, Komisija za sportsku medicinu NSFBiH donijela je odluku kao u dispozitivu.

KOMISIJA ZA SPORTSKU MEDICINU  
NS FEDERACIJE BiH



**NOGOMETNI SAVEZ FEDERACIJE BOSNE I HERCEGOVINE**

**PROPOZICIJE**  
**takmičenja Druge lige Federacije BiH**  
**za takmičarsku sezonu 2025/2026**

juli/srpanj 2025.

Broj: 1537/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**PROPOZICIJE**  
**takmičenja Druge lige Federacije BiH**  
**grupa „Sjever“, „Centar“, „Zapad“, i „Jug“**  
**za takmičarsku sezonu 2025/2026**

---

**I - OPĆE ODREDBE**

---

**Član 1.**

- 1.01. Ovim Propozicijama utvrđuje se način organiziranja i provođenja takmičenja u Drugoj ligi Federacije BiH u takmičarskoj 2025/2026 godini.

---

**II – RUKOVOĐENJE TAKMIČENJEM**

---

**Član 2.**

- 2.01. Takmičenjem u Drugoj ligi Federacije BiH rukovodi Izvršni odbor NS FBiH putem nadležnih komisija odnosno imenovanih komesara, u savezima kojima je IO NS FBiH povjerio vođenje lige i ostalih komisija i pravnih tijela Nogometnog saveza Federacije BiH.
- 2.02. Kontrolu rada takmičarskih organa Druge lige FBiH vrše nadležne komisije i to: Komisija za takmičenje NS FBiH, Komisija za suce i suđenje NS FBiH i Disciplinska komisija NS FBiH u saradnji sa Sekretarijatom takmičenja, koje po potrebi održavaju sastanke sa takmičarskim organima Druge lige FBiH, vrše analizu takmičenja i suđenja Druge lige FBiH, vrše verifikaciju listi uspješnosti, te učestvuju u organizaciji, edukaciji i provođenju seminara Druge lige FBiH.

**Član 3.**

- 3.01. Organi nadležni za provođenje takmičenja Druge lige Federacije BiH su:
- a) Komesar za takmičenje- rukovodi takmičenjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz takmičarskog dijela, određuje delegate za utakmice, vrši analizu obavljanja delegatske dužnosti i drugo;
  - b) Komesar za suđenje- rješava žalbe na suđenje, vrši analizu suđenja i izvještaja posmatrača suđenja, određuje suce na utakmice i drugo;
  - c) Disciplinski sudac- donosi prvostepene disciplinske odluke;
  - d) Komisija za bezbjednost NS FBiH- vrši kontrolu bezbjednosti na utakmicama Druge lige FBiH, predlaže utakmice visokog rizika, predlaže mjere sprječavanja negativnih pojava na stadionima i drugo;
  - e) Apelaciona komisija NS FBiH- drugostepeni organ koji donosi odluke po žalbama na prvostepene odluke iz takmičarskog i disciplinskog dijela;
  - f) Prvostepena komisija za licenciranje klubova NS FBiH- odlučuje da li aplikantu može izdati licencu u skladu sa odredbama Pravilnika o licenciranju klubova Prve lige FBiH i u roku određenom za predaju zahtjeva;
  - g) Apelaciona (drugostepena) komisija za licenciranje klubova NS FBiH- odlučuje o žalbama aplikanta za licencu te donosi konačnu i obavezujuću odluku o tome da li može izdati licencu;
  - h) Druge komisije Izvršnog odbora NS FBiH.

- 3.02. Ostale nadležnosti i zadaci komisija i pravnih tijela NS FBiH propisani su Pravilnikom o radu Komisija Izvršnog odbora, pravnih tijela i takmičarskih organa NS FBiH, Pravilnikom o licenciranju klubova Prve lige NS FBiH, te ostalim pravilnicima i odlukama Izvršnog odbora NS FBiH i NS/FS BiH.
- 3.03. Izvođenje takmičenja u grupama Druge lige FBiH bit će regulisano posebnom Odlukom IO NS FBiH ustupljeno pripadajućim kantonalnim/županijskim nogometnim savezima, koji će takmičenje organizirati u skladu sa ostalim odlukama IO NS FBiH.
- 3.04. Kantonalni/županijski nogometni savezi kojima je povjereno vođenje Druge lige FBiH obavezni su vršiti svu potrebnu korespondenciju sa svim klubovima Druge lige FBiH, te ih blagovremeno obavještavati o svim važećim odlukama i propisima NS FBiH i NS/FS BiH.

---

### III - UČESNICI TAKMIČENJA

---

#### **Član 4.**

- 4.01. U takmičenju za prvenstvo FBiH, za takmičarsku 2025/2026 godinu u grupama Druge lige: „Sjever“, „Centar“, „Zapad“ i „Jug“ sudjeluje u svakoj od navedenih grupa do 16 (šesnaest) klubova.

#### **Član 5.**

- 5.01 Drugu nogometnu ligu FBiH- grupa „**SJEVER**“ sačinjavaju klubovi NS Tuzlanskog kantona i NS Posavske županije - Orašje.
- 5.02. Drugu nogometnu ligu FBiH- grupa „**CENTAR**“ sačinjavaju klubovi NS Zeničko-dobojskog kantona, FS Kantona Sarajevo i FS Bosansko-podrinjskog kantona.
- 5.03. Drugu nogometnu ligu FBiH- grupa „**ZAPAD**“ sačinjavaju klubovi NS Srednjobosanskog kantona/Kantona Središnja Bosna i NS Unsko-sanskog kantona.
- 5.04. Drugu nogometnu ligu FBiH- grupa „**JUG**“ sačinjavaju klubovi ŽNS Županije Hercegbosanske, ŽNS Zapadnohercegovačkog i NS Hercegovačko-neretvanskog kantona/županije.

---

### IV - USLOVI ZA UČESTVOVANJE U TAKMIČENJU

---

#### **Član 6.**

- 6.01. Za sudjelovanje u takmičenje Druge lige Federacije BiH, pored ostalih, klubovi moraju ispunjavati sljedeće uslove:
- 6.02. **IGRALIŠTA:**
  - a. Da posjeduju odgovarajuće igralište sa kvalitetnom travnatom podlogom za igru, sa prirodnom podlogom ili umjetnom podlogom sa potrebnim certifikatom i dozvolom Nogometnog saveza Federacije BiH dimenzija 95-110 metara dužine i 60-75 metara širine. Teren mora biti zatravljen cijelom površinom i potpuno ravan da bi se omogućilo normalno kretanje.
  - b. Izuzetno, organ koji rukovodi takmičenjem može donijeti privremenu odluku o prijemu terena za igru za određeni vremenski period sa manjim dimenzijama od naznačenih u prethodnoj tački i to u slučajevima kada stadion ispunjava ostale uslove iz Propozicija takmičenja, a trenutno ne postoji objektivna mogućnost za proširenje terena za igru.
  - c. Teren za igru mora biti odvojen od gledališta žičanom (zatvorenim) ogradom punog profila i odgovarajućeg kvaliteta. Ograda mora biti udaljena najmanje dva (2) metra od

- uzdužne linije igrališta i tri (3) metra od poprečne linije iza vrata (golova) u visini kaznenog prostora. Minimalna visina ograde je 120 cm, računajući sa nivoa tribina.
- d. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetra. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).
  - e. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove- kupatila sa toplom vodom, za igrače sa tri (3) tuš ruže, a kod sudaca jedna (1) tuš ruža. Svaka svlačionica (sudijska posebno) treba imati zaseban WC.
  - f. Stadioni gdje se igraju utakmice Druge lige Federacije moraju imati najmanje 500 mjesta za sjedenje na tribinama.
  - g. Izlazak na teren i povratak igrača u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja i mehanički zaštićen (tunel za izlazak igrača i službenih osoba od svlačionica do terena).
  - h. Na stadionu treba biti posebna prostorija za sastavljanje zapisnika. Na stadionima klubova i za utakmice Druge lige FBiH u službenom prostoru za zapisnik, klub domaćin treba da obezbijedi:
    - ispravan kompjuter sa štampačem,
    - ispravnu internet konekciju za potrebe COMET informacionog sistema,Neispunjavanje uslova ove tačke sa sobom povlači disciplinske posljedice.
  - i. Klub organizator dužan je obezbijediti jednu kontrolnu sobu za hitno okupljanje krizne grupe na utakmici. Ova kontrolna soba služi za hitno okupljanje: delegata, službenih predstavnika klubova, komesara za bezbjednost domaćina i predstavnika policije u slučaju krizne situacije.
  - j. U slučaju krizne situacije formirat će se krizni štab sa delegatom, komesarom za bezbjednost, pripadnicima MUP-a te službenim predstavnicima obje ekipe, koji će ocijeniti ima li elemenata za nastavak ili prekid date utakmice.
  - k. Klub domaćin Druge lige FBiH obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija, uz obaveznu najavu od strane gostujućeg kluba komesaru za takmičenje i klubu domaćinu najkasnije 48 sati prije odigravanja utakmice.
  - l. Igralište mora biti primljeno od nadležne Komisije NS FBiH za prijem igrališta i registrirano za odigravanje prvenstvenih utakmica. Zapisnik o prijemu-registraciji igrališta treba da je javno istaknut u prostoriji gdje se sačinjava zapisnik utakmice.
  - m. Klubovi koji ne ispunjavaju uslove iz ovog člana, pod „igralište“ ovih Propozicija, mogu u cilju provođenja takmičenja uzeti pod zakup igralište nekog drugog kluba ili vlasnika, potpisivanjem sporazuma o korištenju igrališta, s tim da isto ispunjava uslove iz člana 6. pod „igralište“ ovih Propozicija.
  - n. Izuzetno, Izvršni odbor Nogometnog saveza Federacije BiH može donijeti odluku privremenog karaktera za igralište koje djelimično ne ispunjava uslove iz ovog člana.
  - o. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine tri (3), na poziciji središnje crte igrališta kako bi se mogao pokriti cijeli teren za snimanje.

- p. Snimanje utakmica regulisano je posebnim uputstvom o snimanju utakmica izdatim od strane NS FBiH.
- r. Klub domaćin može utakmicu Druge lige FBiH emitirati u direktnom prenosu putem TV kanala ili društvenih mreža uz prethodnu saglasnost komesara za takmičenje.
- s. Ukoliko klub gost utakmicu Druge lige FBiH emitira u direktnom prenosu putem TV kanala ili društvenih mreža, klub je obavezan tražiti saglasnost komesara za takmičenje i kluba domaćina. U suprotnom klub snosi disciplinske posljedice.

6.03. **OSTALI USLOVI:**

- a. Klub mora ispunjavati uslove iz Normativa minimuma stručno-pedagoškog rada za mlađe kategorije nogometaša u osnovnim nogometnim organizacijama;
- b. Klub treba organizirati nogometnu aktivnost sa takmičarskim ekipama pretpionira (U-13), pionira (U-15), kadeta (U-17) i juniora (U-19). Od tih, najmanje jedna treba u cijelom toku sezone učestvovati u stalnim takmičenjima u ligama kantonalnih/županijskih saveza ili NS FBiH / NS/FS BiH.
- c. Klubovi Druge lige FBiH da bi ostvarili plasman u Prvu ligu FBiH, pored ostalih uslova (prvoplasirani, infrastruktura, ispunjavanje uslova iz Pravilnika o licenciranju klubova i dr.) moraju ispuniti uslov da su u cijelom toku te na sezone u stalnim takmičenjima imali uključene minimalno tri omladinske selekcije. Od toga obavezno selekcije juniora (U-19) i kadeta (U-17) u Omladinskoj ligi BiH grupa „Centar“, „Jug“, „Sjever“ i „Zapad“ ili Premijer ligi BiH za juniore, a ostale u stalnim ligama kantona/županija.
- d. Klubovi Druge lige FBiH potrebno je da imaju školu nogometa za uzraste od 7-11 godina, u kojoj bi se djeca neprekidno nogometno educirala.
- e. Klub koji u toku takmičarske sezone sa nekom od omladinskih selekcija odustane od takmičenja ili shodno odredbama Disciplinskog pravilnika NS/FS BiH bude isključen iz takmičenja, snosit će disciplinske sankcije prema odredbama Disciplinskog pravilnika NS/FS BiH.
- f. Kantonalni/županijski savezi dužni su da sva službena takmičenja u kojima učestvuju navedene kategorije administrativno voditi putem COMET informacionog sistema;
- g. Provjeru uslova iz ovog člana i vrši Komisija za takmičenje NS FBiH, o čemu obavještava Izvršni odbor NS FBiH.

---

**V – ORGANIZACIJA TAKMIČENJA**

---

**Član 7.**

- 7.01 Prvenstveno takmičenje Druge lige FBiH grupa „Centar“, „Sjever“, „Jug“ i „Zapad“ provodi se po dvostrukom bod sistemu i vremenski utvrđenom kalendaru, sa dvije takmičarske polusezone, jesen i proljeće.
- 7.02. Kalendar i raspored takmičenja, na prijedlog Komisije za takmičenje NS FBiH, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva, a taj rok može biti pomjeren za 15 dana.
- 7.03. Raspored odigravanja prvenstvenih utakmica prvog dijela određuje se prije početka takmičarske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev komesaru za takmičenje da im se omogući

razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored takmičenja za takmičarsku godinu.

- 7.04. Odluku o izmjenama kalendara takmičenja, u slučaju proglašenja vanrednog stanja ili stanja nesreće od strane nadležnih organa BiH ili Federacije BiH, donosi Komisija za takmičenje NS Federacije BiH.
- 7.05. Konačnu odluku o svim zahtjevima kao i modalitetu žrijebanja takmičarskih parova donosi komesar za takmičenje, s tim da se mora voditi računa da se ne narušava interes i pravo ostalih klubova učesnika takmičenja. Odluka komesara za takmičenje je konačna.
- 7.06. Komesar za takmičenje može odobriti da žrijebanje takmičarskih parova umjesto predstavnika klubova vrši neka istaknuta nogometna osoba.
- 7.07. Raspored utakmica za prvenstvo Druge lige FBiH određuje se žrijebom takmičarskih brojeva klubova sudionika i primjenom „Bergerove tablice“.
- 7.08. Takmičenje Druge lige Federacije BiH se administrativno provodi kroz COMET informacijski sistem.

#### **Član 8.**

- 8.01. Tri posljednja kola u takmičenju Druge lige Federacije BiH igraju se isti dan i u isto vrijeme, u skladu sa Kalendarom takmičenja. Izuzetno, ukoliko određena utakmica nema rezultatski značaj, te ishod iste ne utiče bitno na poredak na tabeli, komesar za takmičenje može odobriti igranje iste u drugom terminu.

#### **Član 9.**

- 09.01. Utakmice se igraju u trajanju 2x45 minuta.
- 09.02. Odmor između dva dijela igre traje minimalno 10, a maksimalno 15 minuta.

#### **Član 10.**

- 10.01. Nakon obavljenog žrijeba za raspored takmičenja za prvenstvo Druge lige Federacije BiH, klubovi učesnici takmičenja su obavezni u roku od 8 (osam) dana dostaviti u pismenoj formi kantonalnom/županijskom nogometnom savezu kojem bude povjereno vođenje takmičenja slijedeće informacije:
  - a. mjesto u kojem će kao domaćin igrati svoje prvenstvene utakmice
  - b. naziv stadiona (stalni i zamjenski)
  - c. vrijeme odigravanja utakmica (subota-nedjelja)
  - d. boju sportske opreme (majica, šorc, štucne) u kojoj će nastupati klub, kao i rezervnu boju sportske opreme
  - e. spisak registrovanih igrača, kao i službenih zvaničnika kluba koji će obavljati dužnosti na prvenstvenim utakmicama

---

## **VI - PROMJENA TERMINA ODIGRAVANJA UTAKMICA**

---

#### **Član 11.**

- 11.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba komesaru za takmičenje Druge lige NS FBiH, najkasnije 8 (osam) dana prije rasporedom utvrđenog termina odigravanja utakmice, a koji u

sebi sadrži razlog zbog kojeg se traži promjena termina s priloženom dokumentacijom, iz koje se nesumnjivo može utvrditi opravdanost podnesenog zahtjeva.

Pored navedenih razloga klub može dati i eventualni prijedlog novog termina, koji treba, ukoliko je moguće, biti usaglašen sa protivničkim klubom.

- 11.02. U slučaju kada zahtjev za promjenu termina nije podnesen shodno odredbi 11.01. ovog člana, ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 11.03. Zahtjev za promjenu termina utakmice je moguće dostaviti najkasnije tri dana prije termina utvrđenog za odigravanje utakmice.
- 11.04. Odluku o zahtjevu kluba za promjenu termina utakmice iz odredbi 11.01. i 11.02. ovog člana donosi komesar za takmičenje Druge lige NS FBiH, s tim da se kod donošenja odluke moraju imati u vidu odredbe člana 16. Pravilnika o nogometnim takmičenjima NS/FS BiH. Odluka komesara za takmičenje o podnesenom pismenom zahtjevu za promjene termina odigravanja utakmice je konačna i ona se dostavlja zainteresiranim klubovima i ostalim učesnicima takmičenja.
- 11.05. Izuzetno, komesar za takmičenje Druge lige NS FBiH može i u roku kraćem od tri dana donijeti odluku o promjeni termina utakmica.
- 11.06. Komesar za takmičenje, shodno ukazanoj potrebi, može i u drugim slučajevima donijeti odluku o promjeni termina utakmice.

---

## VII - ODLAGANJE UTAKMICE

---

### **Član 12.**

- 12.01. Ako se odlukom nadležnog državnog organa (Vijeće ministara BiH, entitetske vlade ili lokalni organi uprave) proglasi Dan žalosti na području gdje se prema rasporedu takmičenja tog dana igraju utakmice Druge lige Federacije BiH, takmičarski organ koji rukovodi takmičenjem, može odrediti novi termin odigravanja utakmice, u skladu sa kalendarom takmičenja, pri tome vodeći računa da se obezbijedi regularnost takmičenja.
- 12.02. U slučaju kada zbog Dana žalosti nije izvršeno odlaganje utakmice, obaveza je klubova da prije početka utakmice na terenu za igru odaju počast minutom šutnje ili na drugi prikladan način prema nastradalim zbog čega je proglašen Dan žalosti.
- 12.03. U slučaju kada je Dan žalosti proglašen od strane Vijeća ministara BiH, klub domaćin je obavezan da na jarbolima stadiona zastave budu spuštene na pola koplja ili jarbola, a igrači na terenu za igru na rukavu dresa mogu nositi obilježje crne trake kao znak žalosti.
- 12.04. Klub domaćin obavezan je da putem razglasa zamoli sve učesnike utakmice da se suzdrže od bilo kakvih postupaka suprotno pijetetu zbog kojeg je proglašen dan žalosti.

### **Član 13.**

- 13.01. Ako se u toku trajanja utakmice, na osnovu javnog saopštenja od strane nadležnog organa iz prethodnog člana, proglasi Dan žalosti, utakmica se neće trajno prekinuti, ali je sudija utakmice dužan da u prvom privremenom prekidu igre zaustavi igru i zatraži od igrača na terenu da minutom šutnje izraze saučešće prema nastradalim ili umrlim osobama.

**Član 14.**

- 14.01. Kada nadležni organ policije sa područja na kojem se trebaju odigrati rasporedom takmičenja prvenstvene utakmice, obavijesti komesara za takmičenje pismenim putem, da bi odigravanje utakmice prema utvrđenim terminima moglo imati ozbiljnih posljedica po bezbjednosnu situaciju učesnika utakmice, komesar za takmičenje obavezan je uzeti u razmatranje pismeni zahtjev policijskog organa za odlaganje utakmice, te donijeti odluku u vezi sa odlaganjem utakmice, vodeći računa da se zadovolje kriteriji bezbjedonosnog-sigurnosnog aspekta i zaštite regularnosti takmičenja.
- 14.02. Odlaganje utakmice može trajati najduže do deset dana u odnosu na rasporedom utvrđeni termin. Odluka komesara za takmičenje je konačna i obavezujuća za sve učesnike utakmice.

**Član 15.**

- 15.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za takmičenje donosi Komisija za takmičenje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

---

**VIII - ODAVANJE POČASTI MINUTOM ŠUTNJE I IZNOŠENJE TRANSPARENATA HUMANITARNOG SADRŽAJA NA UTAKMICAMA**

---

**Član 16.**

- 16.01. Odavanje počasti (pijeteta) prema određenim kategorijama lica može se vršiti neposredno prije početka utakmice u objektu stadiona i to u slučajevima: iznenadne smrti (nesreće) igrača, sportskih radnika klubova i pripadnika navijačkih skupina, članova organa i tijela saveza organa UEFA-e i FIFA-e, stradalih lica u elementarnim i drugim katastrofama, smrti državnih ili entitetskih istaknutih ličnosti, te ako je proglašen Dan žalosti.
- 16.02. Za svaku namjeru odavanja počasti minutom šutnje ili na drugi način, klubovi, organizacije i pojedinci moraju pismeno tražiti odobrenje od komesara za takmičenje najkasnije 48 sati prije početka utakmice sa detaljnim obrazloženjem i protokolom aktivnosti. O odluci komesara za takmičenje podnosioci zahtjeva biće upoznati najkasnije 8 (osam) sati prije početka utakmice, kao i sva službena lica utakmice (delegat, sudije utakmice), te klubovi.
- 16.03. U slučaju iznenadne smrti ili nesreće lica iz odredbe 16.01. ovog člana, odluku će donijeti delegat utakmice nakon konsultacija sa tehničkim sekretarom i komesarom za takmičenje.
- 16.04. Za slučajeve iznošenja (isticanja) transparenta čiji sadržaj ima humanitarni karakter: borba protiv rasizma, mržnje, nasilja na stadionima, nacionalizma, pomoći unesrećenim licima u elementarnim i drugim katastrofama, primjenjivat će se odredbe kao i za odavanje počasti.
- 16.05. Za sve ostale posebne protokole (izlazak dječaka na teren, izlazak igrača u majicama sa natpisima i slično) klubovi, organizacije i pojedinci moraju pismeno tražiti odobrenje od komesara za takmičenje NS FBiH najkasnije 48 sati prije početka utakmice sa detaljnim obrazloženjem i protokolom aktivnosti.

---

**IX - DUŽNOSTI KLUBOVA**

---

**Član 17.**

- 17.01. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim

tehničkim pomagalima najkasnije 90 (devedeset) minuta prije određenog termina za početak utakmice.

- 17.02. Klub-domaćin, odnosno organizator u Drugoj ligi FBiH obavezan je osigurati najmanje tri (3) lopte, koje u svemu moraju odgovarati propisima Pravila nogometne igre. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.
- 17.03. Utvrđivanje podobnosti terena za igru vrši sudija utakmice u prisustvu oba kapitena ekipa koje nastupaju na utakmici.
- 17.04. Odluku o podobnosti terena za odigravanje utakmice donosi isključivo sudija utakmice u skladu sa Pravilima nogometne igre.

#### **Član 18.**

- 18.01. Klubovi su obavezni doći na stadion na kome će se odigrati utakmica najkasnije 90 (devedeset) minuta prije utvrđenog vremena za početak utakmice i nastupiti sa najboljim sastavom ekipa, te prisustvovati radnom sastanku (brifingu) kojim predsjedava delegat utakmice.

#### **Član 19.**

- 19.01. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 60 minuta prije početka utakmice, dostave delegatu na propisanom obrascu, spisak igrača i službenih lica koja će nastupati na utakmici i odgovarajuće akreditacije za iste.
- 19.02. Spisak mora biti ovjeren i potpisan od zvaničnog predstavnika kluba. Spisak prijavljenih igrača mora sadržavati podatke igrača prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

#### **Član 20.**

- 20.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.
- 20.02. Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije shodno Disciplinskom pravilniku NS/FS BiH.

#### **Član 21.**

- 21.01. Svaki stadion mora imati sistem javnog razglasa, koji se može čuti sasvim razgovjetno i koji može nadjačati buku mase izvan stadiona.
- 21.02. Najavljivanje putem sistema javnog razglasa mora biti strogo neutralnog karaktera.
- 21.03. Sistem javnog razglasa ne smije se koristiti za političku propagandu, ne smije podržavati domaći tim niti smije sadržavati nijedan oblikom diskriminacije gostujućeg tima.
- 21.04. Zabranjeno je korištenje od strane navijačkih skupina internog razglasa, megafona, sirena i drugih uređaja koji izazivaju buku, nadjačavaju službeni sistem javnog razglasa i ometaju samu utakmicu.

**Član 22.**

- 22.01. Organizator utakmice- javnog skupa je klub domaćin i odgovoran je za organizaciju iste. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice, gostujućih navijača (kod organiziranog dolaska), neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega, predviđene ovim Propozicijama takmičenja, Pravilnikom o sigurnosti, kao i ostalim pravilnicima, odlukama, propisima i uputstvima NS/FS BiH i NS FBiH.
- 22.02. Klub domaćin utakmice obavezan je obezbijediti najmanje dva (2) pripadnika profesionalne zaštitarske agencije, koji će se potpuno profesionalno starati za sigurnost svih aktera utakmice, te odgovarajuću dežurnu redarsku službu s propisno označenim dovoljnim brojem redara (kojih ne može biti manje od 4), pripadnike policije, liječnika i dežurno sanitetsko vozilo sa osobljem ili adekvatno zamjensko vozilo i nosilima, kao i najmanje 6 (šest) propisno označenih sakupljača lopti adekvatnog uzrasta, ravnomjerno raspoređenih oko terena za igru, kao i zadužiti posebno lice za njihov rad.
- 22.03. Klub domaćin obavezan je podnijeti pismenu prijavu i tražiti odobrenje za održavanje javnog skupa utakmice nadležnoj policijskoj upravi Ministarstva unutrašnjih poslova, na čijoj teritoriji se treba odigrati utakmica, navodeći sve relevantne podatke, a posebno: mjesto i naziv stadiona, vrsta utakmice, imena klubova, datum i vrijeme odigravanja utakmice, kao i procjenu mogućeg broja gledalaca, kako domaćih, tako i gostujućih, ako su najavljeni, te podatke o angažovanim ostalim službama, redarska, ljekarska, sa orijentacionim brojem lica, te druga neophodna saznanja u vezi sa organizacijom utakmice.
- 22.04. Pismeni zahtjev za odobrenje odigravanja utakmice podnosi se najkasnije 72 sata prije određenog termina za odigravanje utakmice ili u rokovima kojima je regulisano ovo pitanje nadležnih organa bezbjednosti u mjestu odigravanja utakmice.
- 22.05. Pismeno odobrenje za odigravanje utakmice klub domaćin obavezno dostavlja na uvid delegatu utakmice prije njenog početka, odnosno na brifingu.
- 22.06. Bez pismenog odobrenja nadležne policijske stanice i prisustva pripadnika policije, dežurne ljekarske službe, sanitetskog vozila ili adekvatnog zamjenskog vozila, redarske službe utakmica se neće igrati.  
Odluku o neodigravanju utakmice donosi delegat utakmice i saopštava je sudiji utakmice i zvaničnim predstavnicima klubova, prije početka utakmice i sve to evidentira u izvještaju delegata utakmice i zapisniku sa utakmice.
- 22.07. Klub domaćin za neispunjavanje ovih obaveza snosi takmičarske i disciplinske posljedice u skladu sa Pravilnikom o nogometnim takmičenjima NS/FS BiH i Disciplinskim pravilnikom NS/FS BiH.
- 22.08. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- 22.09. Promocija, objava ili isticanje na bilo koji način, političkih poruka ili bilo koji drugi vid političkog djelovanja unutar ili u neposrednoj blizini stadiona nije dozvoljeno prije početka utakmice, tokom utakmice i po završetku utakmice.
- 22.10. Na stadionima Druge lige FBiH nije dozvoljeno isticanje transparentata i obilježja neprimjerenog, uvredljivog i nepristojnog sadržaja što podliježe disciplinskoj odgovornosti.
- 22.11. Klubovi učesnici takmičenja dužni su ispoštovati eventualnu odluku nadležnog organa NS FBiH da se iz sigurnosnih razloga zabranjuje organizovani odlazak navijača na gostujuće utakmice njihovih klubova.
- 22.12. Na terenu za igru za vrijeme odigravanja utakmice zabranjen je bilo koji oblik reklamiranja.

- 22.13. Na mrežama, ugaonim zastavicama ili vratima ne može biti izvješen reklamni materijal ili pribor (npr. kamere, mikrofoni i megafoni i sl.). Također je zabranjena reprodukcija logotipa na travnatom dijelu terena za igru (korištenjem lasera i sl.).
- 22.14. Ukoliko se na stadionu za vrijeme odigravanja utakmice koristi sat koji pokazuje odigrano vrijeme utakmice, isti mora biti zaustavljen na kraju regularnog vremena igre svakog dijela igre, tj. nakon isteka 45. i 90. minuta igre.

### **Član 23.**

- 23.01. Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti lica akreditovana od strane NS FBiH ili NS/FS BiH za takmičenje Druge lige Federacije BiH, i to:
1. Službeni predstavnik kluba,
  2. Glavni trener sa PRO, A ili B UEFA trenerskom licencom registriran u COMET informacioni sistem;
  3. Jedan ili dva pomoćna trenera sa PRO, A, B ili C UEFA trenerskom licencom registriran u COMET informacioni sistem;
  4. Igrači;
  5. Ljekar kluba na domaćim utakmicama;
  6. Fizioterapeut;
  7. Komesar za bezbjednost na domaćim utakmicama.
- 23.02. U pogledu odijevanja lica u tehničkom prostoru obavezno se primjenjuju slijedeći standardi:
1. Predstavnik kluba u odijelu ili pantolama i košuljom (sa kravatom ili ne, uz istaknutu akreditaciju izdatu od NS FBiH)
  2. Komesar za bezbjednost (sa kravatom ili ne, uz istaknutu akreditaciju izdatu od NS FBiH)
  3. Glavni trener u odijelu ili pantolama i košuljom (sa kravatom ili ne), ili treneri kluba
  4. Dva pomoćna trenera u treneri kluba
  5. Igrači u sportskoj opremi sa markerima
  6. Ljekar kluba, odijelo ili trenerka kluba
  7. Fizioterapeut u treneri kluba
- 23.03. U slučaju nepoštivanja navedenih uslova klub snosi disciplinsku odgovornost.
- 23.04. Klubovi Druge lige Federacije BiH obavezni su imati minimalno jednog glavnog trenera u tehničkom prostoru sa odgovarajućom UEFA PRO, A ili B licencom.
- 23.05. Klubovi Druge lige Federacije BiH na svim domaćim utakmicama obavezni su imati glavnog trenera, službenog predstavnika, jednog ljekara i fizioterapeuta u tehničkom prostoru sa odgovarajućom takmičarskom akreditacijom kao i jednog komesara za bezbjednost.
- 23.06. U zapisniku gostujuće ekipe klub je obavezan imati glavnog trenera, službenog predstavnika te jednog ljekara ili fizioterapeuta.
- 23.07. Predstavnik kluba, glavni trener ili pomoćni trener ne mogu biti ista osoba.
- 23.08. Jedna osoba ne može biti akreditovana i registrirana na dvije funkcije u klubu.
- 23.09. Osoba koja je u COMET informacionom sistemu registrirana kao igrač i kao trener, na istoj utakmici može obavljati samo jednu funkciju (igrač ili trener).
- 23.10. Predstavnik kluba, komesar za bezbjednost, ljekar i fizioterapeut obavezni su posjedovati odgovarajuću takmičarsku akreditaciju koju izdaje NS FBiH.

- 23.11. Glavni treneri i treneri obavezni su posjedovati validnu UEFA licencu te ispuniti sve uslove za registraciju trenera u COMET informacioni sistem.
- 23.12. Validnost izdatih potrebnih dokumenata mogu kontrolisati samo subjekti koji su ih i izdali, a delegat na utakmici utvrđuje njihovo posjedovanje, odnosno identitet lica.
- 23.13. Osobe sa spiska prijavljenih lica koje nemaju odgovarajuću akreditaciju, ne mogu se nalaziti u tehničkom prostoru, osim zamjenskih igrača.
- 23.14. Na klupi kluba Druge lige FBiH mogu sjediti glavni trener i treneri samo sa validnom UEFA licencom a koji su registrirani putem COMET informacionog sistema.
- 23.15. UEFA trenerske licence moraju biti validne da bi isti bili registrirani u COMET informacioni sistem.
- 23.16. Sva akreditirana/licencirana službena lica moraju biti unesena i evidentirana u COMET informacioni sistem sa adekvatnom fotografijom (treneri, predstavnici kluba, ljekari, fizioterapeuti i komesari bezbjednosti) od strane administracije NS FBiH.

#### **Član 24.**

- 24.01. Za vrijeme odigravanja utakmica bez prisustva gledalaca, pored osoba iz člana 22. i 23. ovih Propozicija, mogu biti prisutni članovi uprava klubova, (maksimalno 20 osoba po klubu uz dostavljeni spisak), akreditovani novinari i fotoreporteri, osobe iz administracije kluba-domaćina.
- 24.02. Članovi uprava klubova i osobe iz administracije kluba-domaćina obavezni su boraviti u VIP loži.

---

### **X - NASTUPANJE NA UTAKMICI**

---

#### **Član 25.**

- 25.01. Klubovi su dužni nastupiti na svim utakmicama stalnog takmičenja koje su odlukama takmičarskog organa zakazane, predviđene ili odlukom sudije privremeno prekinute, bez obzira na okolnosti u kojima su se nalazili u vrijeme kada su obavješteni da nastupe, odnosno da nastave igranje utakmice.
- 25.02. Klub koji odbije da nastupi ili neodigra utakmicu iz odredbe 01. ovog člana , odgovoran je za učinjeni propust u takmičarskom i disciplinskom smislu.
- 25.03. Organ koji rukovodi takmičenjem, u svim navedenim slučajevima iz ovog člana, takve utakmice registrovati će po službenoj dužnosti 3:0 (par forfe) u korist protivnika i podnijeti zahtjev disciplinskom organu za utvrđivanje disciplinske odgovornosti.

---

### **XI - NAJMANJI BROJ IGRAČA U IGRI**

---

#### **Član 26.**

- 26.01. Utakmica ne može da počne po Pravilima nogometne igre ako jedna od ekipa nema najmanje sedam igrača na terenu za igru, od kojih je jedan vratar i kapiten.
- 26.02. Igrači, koji nisu upisani do početka utakmice u zapisnik sa utakmice, ne mogu nastupiti na utakmici.
- 26.03. Ako jedna ekipa za vrijeme igre ostane sa manje od sedam igrača, sudija je dužan da zaustavi igru, a ako u roku od pet minuta klub ne nastupi s minimalnim brojem igrača, sudija je dužan da označi kraj utakmice.

**Član 27.**

- 27.01 Svaka ekipa u zapisnik sa utakmice prijavljuje maksimalno 20 igrača. Klubovi koji nemaju najmanje 14 igrača u zapisniku sa utakmice snosit će disciplinske sankcije.
- 27.02. U igri učestvuje 11 prijavljenih igrača, a tokom igre može se izvršiti do pet zamjena tokom tri prekida na utakmici (izmjene koje se vrše prije početka drugog dijela igre – u poluvremenu – ne računaju se kao prekidi).  
Ukoliko neka od ekipa izvrši do pet zamjena u više od tri prekida na utakmici snosit će takmičarske posljedice te će utakmica biti registrovana službenim rezultatom u korist protivnika.
- 27.03. Igrače i službene osobe koje klub prijavi u zapisnik za utakmicu a ne pojave se na istoj delegat je dužan po završetku utakmice iste brisati iz zapisnika te prijaviti da nisu bili prisutni na utakmici.

**Član 28.**

- 28.01. Ekipe na jednoj utakmici ne mogu igrati u istim ili sličnim bojama dresova. Ekipe su dužne usaglasiti boje opreme 72 sata prije zvaničnog termina odigravanja utakmice, u skladu sa prijavljenim osnovnim bojama.
- 28.02. U protivnom, dresove će promijeniti domaća (prvoimenovana) ekipa. Ukoliko jedna od ekipa ne poštuje prijavljene boje dresova, ista snosi disciplinsku odgovornost.

---

**XII - PRAVO NASTUPA IGRAČA**

---

**Član 29.**

- 29.01. Na prvenstvenim utakmicama mogu nastupiti igrači koji su stekli pravo igranja prema odredbama Pravilnika registracijama klubova i igrača i statusu i transferu igrača NS/FS BiH, ukoliko su navršili 17 godina života, kao i igrači koji su navršili 16 godina, ali sa obaveznom specijalističkim ljekarskim pregledom koji nadležni registracioni savez unosi u COMET informacioni sistem, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se pro proglašava sposobnim za nastupanje na utakmicama seniorskog uzrasta.
- 29.02. U sastavu prijavljene ekipe – zapisniku sa utakmice mora se nalaziti najmanje 4 (četiri) igrača mlađa od 21 godine života od kojih najmanje 2 (dva) obavezno moraju početi i biti u igri cijelim tokom utakmice.
- 29.03. U slučaju nepoštivanja prethodnog stava klub snosi takmičarske i disciplinske posljedice.
- 29.04. Igračima mlađim od 21 godine smatraju se samo igrači državljanji Bosne i Hercegovine.
- 29.05. Za takmičarsku 2025/2026 godinu, igrači mlađi od 21. godine života smatraju se igrači rođeni 01.01.2004. godine i mlađi.
- 29.06. Pravo nastupa igrača stranih državljana regulisano je odredbama Pravilnika registracijama klubova i igrača i statusu i transferu igrača NS/FS BiH. Klub može imati više registrovanih igrača stranih državljana, s tim što 3 (tri) igrača strana državljana mogu biti upisani u zapisnik sa utakmice i imaju pravo nastupa na jednoj utakmici. U suprotnom, klub snosi takmičarske i disciplinske posljedice.
- 29.07. Shodno odredbama Pravilnika registracijama klubova i igrača i statusu i transferu igrača NS/FS BiH, u toku takmičarske sezone klub može po osnovu ustupanja registrirati najviše četiri igrača, s tim što najviše tri mogu nastupiti na jednoj utakmici. U suprotnom, klub snosi takmičarske i disciplinske posljedice.

- 29.08. Igrač strani državljanin kojem istekne radna i boravišna dozvola nema pravo nastupa, a ako nastupi takav igrač, klub snosi takmičarske i disciplinske posljedice.
- 29.09. Igrači sa dvojnim državljanstvom ne smatraju se stranim državljanima.
- 29.10. Igrač koji je registrovan za veliki nogomet i futsal ne može nastupiti isti dan na dvije utakmice.
- 29.11. Igrač koji nije unesen u COMET sistem ne može nastupiti za svoju ekipu na utakmici.
- 29.12. Ukoliko oba kluba naprave prekršaj iz gore navedenih stavova, a za koji se snose takmičarske posljedice, takva utakmica će biti registrovana kao odigrana, ali se neće uzeti u obzir ostvareni rezultat na istoj.

---

### **XIII - IDENTITET IGRAČA**

---

#### **Član 30.**

- 30.01. Na prvenstvenim utakmicama mogu nastupiti samo igrači čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igraču sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 30.02. Identitet se u pravilu utvrđuje prije početka utakmice.
- 30.03. Za igrače koji su zakasnili na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

---

### **XIV - LJEKARSKI PREGLED I ČLANARINA**

---

#### **Član 31.**

- 31.01. Svaki igrač koji nastupa u takmičenju mora u COMET informacioni sistem imati unesen period važenja ljekarskog pregleda i period za koji je uplaćena članarina. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 31.02. Rok važnosti ljekarskog pregleda za igrače koji na dan izvršenog pregleda ima najmanje 17 (sedamnaest) i više godina života traje 6 (šest) mjeseci, a za mlađe igrače 4 (četiri) mjeseca.
- 31.03. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 31.04. Za igrača koji nema upisan važeći ljekarski pregled u COMET informacioni sistem ili važeću potvrdu, delegat utakmice neće dozvoliti nastup na utakmici.
- 31.05. Za sva ostala pitanja u vezi sa ljekarskim pregledom igrača primjenjivat će se odredbe člana 56. Pravilnika o nogometnim takmičenjima NS/FS BiH.

---

### **XV – PREDSTAVNIK BEZBJEDNOSTI**

---

#### **Član 32.**

- 32.01. Na utakmicama na kojima je potrebno prisustvo predstavnika bezbjednosti, istog određuje Komisija za bezbjednost NS FBiH, a nakon obavljenih konsultacija sa Komisijom za takmičenje NS FBiH i Sekretarijatom NS FBiH.

- 32.02. Uloga i obaveze predstavnika bezbjednosti definisane su Uputstvom koje donosi Komisija za bezbjednost NS FBiH.
- 32.03. Troškove predstavnika bezbjednosti na utakmicama Druge lige FBiH snosi Nogometni savez Federacije BiH u skladu sa Pravilnikom o dnevnicama, putnim troškovima, taksama, članarinama i drugim naknadama NS FBiH.

---

## **XVII - DELEGAT NA UTAKMICI**

---

### **Član 33.**

- 33.01. Delegata na utakmici određuje komesar za takmičenje Druge lige FBiH, sa usvojene liste delegata za sezonu 2025/2026.
- 33.02. Delegat zastupa takmičarski organ i ima vrhovni nadzor na utakmici.
- 33.03. Na utakmicama Druge lige Federacije BiH, delegat obnaša i dužnost posmatrača suđenja.
- 33.04. Komisija za takmičenje NS FBiH donosi posebno Uputstvo o vršenju dužnosti delegata.
- 33.05. Delegat i sudije su obavezni dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev komesara za takmičenje Druge lige FBiH.

### **Član 34.**

- 34.01. Delegat je obavezan da 90 minuta prije početka utakmice održi radni sastanak (brifing) sa predstavnicima klubova, glavnim sudijom utakmice, komesarom za bezbjednost kluba domaćina i predstavnikom policije. Kašnjenje na radni sastanak – brifing povlači disciplinsku odgovornost.

---

## **XVIII – SUCI**

---

### **Član 35.**

- 35.01. Utakmice Druge lige Federacije BiH mogu voditi samo suci sa liste sudaca Druge lige FBiH, čije određivanje vrši komesar za suce i suđenje Druge lige NS FBiH, u skladu sa odlukom Izvršnog odbora NS FBiH.
- 35.02. Utakmice, Druge lige FBiH, na zahtjev komesara za suce i suđenje, mogu suditi i suci sa liste sudaca Prve lige Federacije BiH.

### **Član 36.**

- 36.01. Sudac utakmice je dužan da prije početka utakmice pregleda i odluči da li je teren podoban za igru.
- 36.02. Ako sudija utvrdi u prisustvu dva kapitena ekipa da je teren nepodoban za igru, utakmica se neće igrati, a sudija će sačiniti poseban izvještaj o nepodobnosti terena za igru.
- 36.03. Sudac je dužan da nakon utakmice u svom izvještaju navede podatke koje se odnose na postignute pogotke, zamijenjene, opomenute i isključene igrače, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

### **Član 37.**

- 37.01. Za utakmice Druge lige Federacije BiH može biti određen i supervizor, a određuje ga predsjednik NS FBiH u saradnji sa dopredsjednikom NS FBiH.

---

## **XIX - ZAPISNIK SA UTAKMICE**

---

### **Član 38.**

- 38.01. Delegat sastavlja zapisnik sa utakmice. Zapisnik sa utakmice se popunjava elektronski, u COMET sistemu. Klubovi su dužni prije početka utakmice dostaviti ovjeren i potpisan spisak igrača i službenika svoje ekipe na propisanom obrascu.
- 38.02. Po završetku utakmice zapisnik sa utakmice sastavljen putem Comet sistema, sravnjavaju delegat i sudac, nakon čega delegat zaključi izvještaj fair playa, a sudija utakmice svojom šifrom zaključuje zapisnik sa odigrane utakmice.
- 38.03. Delegat i glavni sudac odgovorni su za tačnost podataka u zapisniku.

---

## **XX - REGISTRACIJA UTAKMICA**

---

### **Član 39.**

- 39.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu komesar za takmičenje Druge lige NS FBiH registruje postignutim rezultatom.
- 39.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim takmičenjima NS/FS BiH.
- 39.03. Komesar za takmičenje vrši analizu i registraciju odigranih utakmica na prvom narednom sastanku, a termin održavanja istog utvrđuju u dogovoru komesar za takmičenje i sekretar lige.
- 39.04. Izuzetno, komesar za takmičenje registraciju odigranih utakmica može izvršiti putem e-maila, telefona ili faksa.
- 39.05. Ako je na utakmicu uložena žalba, rok za registraciju utakmice se produžava do konačne odluke.

---

## **XXI - ŽALBE**

---

### **Član 40.**

- 40.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramski, e-mailom ili faxom koji ima automatski ispis datuma i vremena o najavi žalbe.
- 40.02. Žalba sa pismenim obrazloženjem sa dokazom o uplaćenju taksu mora se dostaviti u sjedište lige u roku od 48 sati po odigranoj utakmici.
- 40.03. Ukoliko rok za ulaganje žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 40.04. Žalba se dostavlja putem sekretarijata, komesaru za takmičenje.
- 40.05. Uz žalbu se dostavlja dokaz o uplaćenju taksu u skladu sa odlukom IO NS FBiH.

### **Član 41.**

- 41.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene a utakmica će se registrovati postignutim rezultatom.
- 41.02. Odluke po uložnim žalbama će biti donijete u roku od osam dana od dana prijema žalbe, a iznimno taj rok može biti i produžen.

- 41.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučenog pisma ili telegrama, datum na faksu kao potvrdi o žalbi te datum na novčanoj uplatnici.

**Član 42.**

- 42.01. Žalbe u prvom stepenu rješava komesar za takmičenje Druge lige FBiH.

**Član 43.**

- 43.01. Žalbe u drugom stepenu rješava Apelaciona komisija NS FBiH
- 43.02. Žalbe na odluke komesara za takmičenje NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 43.03. Za utakmice posljednja dva kola rok za podnošenje žalbe drugostepenom organu je tri dana.
- 43.04. Odluke o podnijetim žalbama na odluke komesara za takmičenje NS FBiH donose se u razumnom roku.
- 43.05. Žalbe na odluke disciplinskog suca NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 43.06. Protiv odluke Apelacione komisije ne može se uložiti žalba.

**Član 44.**

- 44.01. Organ koji donosi odluke može utvrditi i skraćeni žalbeni postupak.

---

**XXII - DISCIPLINSKE SANKCIJE**

---

**Član 45.**

- 45.01. O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH i odluke Izvršnog odbora NS FBiH broj 1545/25 od 07.07.2025. godine.

---

**XXIII - UTVRĐIVANJE PLASMANA**

---

**Član 46.**

- 46.01. Plasman klubova na tabeli utvrđuje se prema odredbama člana 43. Pravilnika o nogometnim takmičenjima NS/FS BiH.
- 46.02. Shodno odlukama IFAB-a gol u gostima se ne računa dvostruko;
- 46.03. Prvu ligu Federacije BiH u takmičarskoj sezoni 2026/2027 popunjavaju dva kluba Druge lige FBiH „Sjever“, „Centar“, „Zapad“ i „Jug“ koji će se dobiti nakon odigranog doigravanja.
- 46.04. U doigravanju za ulazak u Prvu ligu Federacije BiH učestvuju samo prvoplasirani klubovi.
- 46.05. Istovremeno, ti klubovi moraju ispunjavati i sve ostale uslove propisane Propozicijama takmičenja, Pravilnikom o licenciranju klubova za učešće u takmičenju Prve lige NS FBiH i drugim odlukama Izvršnog odbora NS FBiH.
- 46.06. Ukoliko neki klub prvak Druge lige FBiH koji je rezultatski obezbijedio učešće u takmičenju Prve lige FBiH ne dobije licencu za učešće u takmičenju Prve lige FBiH za sezonu 2026/2027

status prvoligaša zadržava prvi naredni klub koji nije rezultatski ostvario plasman u Prvoj ligi FBiH a koji je dobio licencu za takmičarsku sezonu 2026/2027.

- 46.07. U slučaju da u doigravanje za ulazak u Prvu ligu FBiH plasman ostvare tri kluba doigravanje će se igrati na sljedeći način:
- prvi par čine klubovi prvaci Druge lige Federacije BiH koji su dobili licencu za učešće u takmičenju Prve lige FBiH, prema sistemu domaćin-gost nakon obavljenog žrijeba;
  - treći klub Druge lige Federacije BiH koji je dobio licencu za učešće u takmičenju Prve lige FBiH, igrat će kvalifikacije sa prvim narednim klubom Prve lige FBiH prema plasmanu i dobijenom licencom, prema sistemu domaćin-gost nakon obavljenog žrijeba;
- 46.08. Ukoliko plasman u doigravanje za ulazak u Prvu ligu FBiH ostvare dva kluba iz četiri grupe Druge lige FBiH i dobiju licencu za učešće u takmičenju Prve lige FBiH, doigravanje se neće igrati već će plasman u Prvu ligu FBiH ostvariti oba kluba;
- 46.09. U doigravanju ne mogu učestvovati dva kluba iz iste grupe Druge lige FBiH;
- 46.10. Izuzetno, Prvu ligu Federacije BiH može popuniti i poraženi klub/klubovi iz baraža za ulazak u Prvu ligu FBiH koji je ostvario bolji rezultat i to samo ako se ukaže mjesto za popunu Prve lige FBiH do broja 14, osim ako Skupština NS FBiH ne odluči drugačije.  
Također izuzetno, Prvu ligu Federacije BiH može popuniti i prvi naredni klub Druge lige FBiH prema plasmanu a koji je dobio licencu, ako se ukaže mjesto za popunu Prve lige FBiH i to samo iz one grupe u koju ispada klub Prve lige FBiH koji nije dobio licencu.
- 46.11. Pri ocjeni bolje ostvarenog rezultata poraženih klubova iz doigravanja u obzir se uzima gol razlika. Ukoliko je gol razlika identična u obzir se uzima broj datih i primljenih pogodaka. Ukoliko je i broj datih i primljenih golova identičan u obzir se uzima fair-play tabela, s tim što žuti karton donosi jedan negativan broj, a crveni karton dva negativna boda. Ukoliko je sve identično, plasman u Prvu ligu FBiH će se odlučiti žrijebom.
- 46.12. Uslovi za prijem u takmičenje Prve lige Federacije BiH propisani su Pravilnikom o licenciranju klubova Prve lige NS FBiH.
- 46.13. Ukoliko klub koji je nakon odigranih kvalifikacija ostvario plasman u Prvu ligu FBiH odustane od takmičenja, shodno odredbama Disciplinskog pravilnika NS/FS BiH, vraća se u najniži stepen takmičenja, a protiv odgovornih osoba kluba, predsjednika i direktora, Komisija za takmičenje NS FBiH će podnijeti prijavu za pokretanje disciplinskog postupka kod nadležnog disciplinskog organa.

#### **Član 47.**

- 47.01. Doigravanje za ulazak u Prvu ligu Federacije BiH igrat će se po dvostrukom Kup sistemu (dvije utakmice domaćin - gost) nakon izvršenog žrijeba, a pobjednici u ukupnom rezultatu ostvarit će plasman u Prvu ligu Federacije BiH;
- 47.02. Ukoliko rezultat nakon dvije utakmice bude neodlučen, pristupit će se izvođenju udaraca sa bijele tačke shodno Pravilima nogometne igre;
- 47.03. Shodno odlukama IFAB-a gol u gostima se ne računa dvostruko;
- 47.04. Klub domaćin utakmice doigravanja za ulazak u Prvu ligu FBiH je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalicama najkasnije 90 (devedeset) minuta prije određenog termina za početak utakmice;
- 47.05. Klub domaćin obavezan je osigurati najmanje šest (6) lopti, koje u svemu moraju odgovarati propisima Pravila nogometne igre;
- 47.06. Klub domaćin utakmice obavezan je obezbijediti najmanje četiri (4) pripadnika profesionalne zaštitarske agencije, koji će se profesionalno starati za sigurnost svih aktera utakmice, te

- odgovarajuću dežurnu redarsku službu s propisno označenim dovoljnim brojem redara, pripadnike policije, liječnika i dežurno sanitetsko vozilo sa osobljem i nosilima;
- 47.07. Disciplinske mjere, izrečene od strane disciplinskog organa Druge lige FBiH u toku takmičarske sezone uračunavaju se i važeće su u doigravanju za plasman u Prvu ligu FBiH;
- 47.08. Snimanje utakmica doigravanja za ulazak u Prvu ligu vršit će neovisna TV agencija (ZAP agencija) sa tri kamere (centralna i dvije bočne koje se moraju nalaziti u visini linije kaznenog prostora). Snimateljima TV agencije klub domaćin je obavezan omogućiti sve uslove za nesmetano i slobodno snimanje. Klubovi domaćini obavezni izvršiti uplatu snimanja utakmica na račun ZAP agencije;
- 47.09. Klubovi učesnici kvalifikacija za ulazak u Prvu ligu Federacije BiH obavezni su domaće utakmice emitirati u direktnom prenosu putem TV kanala ili putem streama na društvenim mrežama.
- 47.10. Za utakmice doigravanja za ulazak u Prvu ligu Federacije BiH delegiraju se delegati, suci, suci asistenti i posmatrači suđenja sa liste Prve lige Federacije BiH za sezonu 2025/2026. Delegiranje delegata vrši Komisija za takmičenje NS FBiH, a delegiranje sudaca, sudaca asistenata i posmatrača suđenja Komisija za suce i suđenje NS FBiH. Klub domaćin obavezan je izvršiti isplatu službenim licima shodno odredbama Pravilnika o dnevnicama, putnim troškovima, članarinama i drugim naknadama.

---

#### **XXIV - POPUNJAVANJE LIGE**

---

##### **Član 48.**

- 48.01. Druga liga FBiH grupa „Sjever“, „Centar“, „Zapad“ i „Jug“ popunjava se prvacima kantonalnih/županijskih nogometnih liga ili izuzetno međužupanijskih liga uz ispunjavanje svih potrebnih uslova iz Propozicija takmičenja.
- 48.02. Na kraju takmičarske sezone 2025/2026, Drugu ligu Federacije BiH napustit će onoliko klubova koliko je potrebno da bi se ove lige popunile prvacima kantonalnih/županijskih liga ili međužupanijskih liga i osigurao prostor za klubove koji napuštaju Prvu ligu Federacije BiH a da bi te lige brojale do 16 klubova, osim ako Skupština NS FBiH ne odluči drugačije.
- 48.03. U slučaju da klub odustane od takmičenja Druge lige FBiH do prvog kola, Izvršni odbor NS FBiH donosi odluku o načinu popune lige.

---

#### **XXV - FINANSIJSKE ODREDBE**

---

##### **Član 49.**

- 49.01. Prihodi sa prvenstvenih utakmica pripadaju klubu domaćinu.

##### **Član 50.**

- 50.01. Službenim licima na utakmici pripada odgovarajuća naknada, koja uključuje taksu, dnevnicu i putne troškove, u skladu sa odlukom Izvršnog odbora NS FBiH.
- 50.02. Sve isplate vrše se poslije odigravanja utakmica, najkasnije 24 sata po odigranoj utakmici, obavezno na žiro račune službenih osoba.
- 50.03. Ukoliko klub ne isplati službena lica ili ih djelomično isplati, klubu se ostavlja dodatni rok od 24 sata da izmiri troškove, nakon čega nastupa suspenzija do izmirenja obaveza u cijelosti, te klub podliježe novčanoj kazni za neizvršavanje obaveza.

- 50.04. Klub je dužan validan dokaz o isplati naknada za službena lica, dostaviti delegatu na brifingu prije početka prve naredne utakmice.
- 50.05. Delegat je dužan na brifingu, sat i pol prije početka utakmice, izvršiti provjeru da li je klub isplatio pripadajuće naknade svakom službenom licu pojedinačno što se odnosi na prethodnu utakmicu.

**Član 51.**

- 51.01 Izvršni odbor NS F BiH prije početka prvenstva donosi odluku o visini troškova takmičenja. Kotizacija za takmičenje se utvrđuje za cijelu takmičarsku sezonu uz mogućnost da klubovi uplatu izvrše u dvije rate, svaku prije početka takmičarske polusezone.
- 51.02. Ukoliko klub odustane od takmičenja u toku takmičarske sezone, obavezan je izvršiti uplatu kotizacije za takmičenje u cijelosti.
- 51.03. Neizvršenje obaveza povlači disciplinske posljedice u skladu sa odredbama Disciplinskog pravilnika NS/FS BiH.

---

**XXVI – NAGRADE**

---

**Član 52.**

- 52.01. Prvaku Druge lige Federacije BiH dodjeljuje se pehar u trajno vlasništvo od strane saveza koji je tehnički vodio ligu.
- 52.02. Igračima, tehničkom i stručnom rukovodstvu prvoplasiranog kluba dodjeljuje se 35 medalja.

---

**XXVII - ZAVRŠNE ODREDBE**

---

**Član 53.**

- 53.01. Za sve što nije predviđeno ovim Propozicijama, važe odredbe Pravilnika o nogometnim takmičenjima NS/FS BiH, Pravila nogometne igre i drugih propisa NS FBiH, NS/FS BiH, FIFA-e i UEFA-e.

**Član 54.**

- 54.01. Propozicije stupaju na snagu danom objavljivanja na web stranici Saveza, a primjenjuju se za takmičarsku sezonu 2025/2026.

**P R E D S J E D N I K**

**Muris Jabandžić**

**NOGOMETNI SAVEZ FEDERACIJE BiH  
KOMISIJA ZA TAKMIČENJE NS FBiH**

**U P U T S T V O  
o snimanju utakmica Druge lige FBiH**

**I CILJ UTVRĐIVANJA UPUTSTVA O SNIMANJU**

U cilju postizanja potpune regularnosti takmičenja u organizaciji Nogometnog saveza Federacije BiH i omogućavanja uvida od strane takmičarskih organa u kvalitetan video-zapis cijelog toka utakmica i svih momenata od važnosti za takmičenje, Komisija za takmičenje je donijela uputstvo o načinu snimanja utakmica Druge lige FBiH te ostale radnje vezano za snimanje i dostavljanje video-zapisa utakmica nadležnom organu i savezu.

**II EVIDENTIRANJE I UPOZNAVANJE SNIMATELJA O UPUTSTVU**

Službeni predstavnik kluba domaćina dužan je najkasnije 30 minuta prije utakmice izvršiti neposrednu prijavu pravovremenog dolaska snimatelja kod delegata utakmice, sa evidentiranjem osobnih podataka snimatelja.

Klub domaćin obavezan je snimatelju svake utakmice uručiti uputstvo NS FBiH o načinu snimanja utakmica.

Službeni predstavnik kluba domaćina i snimatelj obavezni su neposredno upoznati delegata o vrsti kamere, vrsti DVD-a, postojanju postolja za kameru, dovoljnom broju DVD-ova kako bi bio snimljen cijeli tok utakmice i ostalo vezano za utakmicu prema ovom uputstvu.

Delegat će usmeno upozoriti snimatelja na obaveze i uputstvo o snimanju.

**III POZICIJA ZA SNIMANJE**

Klub domaćin obavezan je obezbijediti mjesto za snimanje utakmica na uzvišenom mjestu minimalne visine 3,0 metra, na poziciji središnje crte igrališta kako bi se kvalitetno snimala cijela površina terena za igru i cijeli tok utakmice.

Pozicija za snimanje mora biti bezbjedna i ispravna sačinjena od čvrstog materijala, natkrivena i zaštićena od kiše, vjetra i ostalih nepogoda.

Snimatelj za vrijeme snimanja utakmice ne smije biti ometan od strane gledalaca, predstavnika klubova i drugih.

**IV NAČIN SNIMANJA UTAKMICA**

Snimatelj utakmice obavezan je na kvalitetan način snimiti:

- a) Cijeli tok prvog dijela igre i izlazak igrača i službenih lica sa terena za igru u svlačionice, sve do ulaska u iste;
- b) Cijeli tok drugog dijela igre i izlazak igrača i službenih lica sa terena za igru u svlačionice, sve do ulaska u iste nakon završetka utakmice;
- c) Na kvalitetan način snimiti svaki prekid i mogući incident, uz obavezu da snimi i zumira tačno mjesto dešavanja sporne situacije ili incidenta i sva dešavanja u tom slučaju;
- d) Nije dozvoljeno prekidanje snimanja za vrijeme utakmice, odnosno kako je to navedeno u tačkama: a), b) i c);
- e) Ispravno snimiti sva dešavanja ili moguće incidente u vezi sa službenim licima utakmice;
- f) Svaki mogući incident ili sporni momenat potrebno je snimiti sa zumiranjem.

**V VRSTA KAMERE I VIDEO DISKA (VIDEO-MATERIJALA)**

Utakmica mora biti snimana sa stabilnog postolja kako bi se postigla stabilnost i kvalitet snimka utakmice.

Utakmica mora biti snimana sa kvalitetnom digitalnom kamerom koja zadovoljava potrebe snimanja na udaljenosti dimenzija nogometnog igrališta i na otvorenom prostoru uz moguće vremenske nepogode za vrijeme utakmice (kiša, snijeg, vjetar itd).

Utakmice je potrebno snimati digitalnom tehnikom uz korištenje digitalnog video diska (DVD) Snimak utakmice se uručuje delegatu na DVD-u.

Za snimanje nije dozvoljena upotreba prethodno korištenih ili neispravnih DVD-ova.

**VI UPOZNAVANJE SNIMATELJA O UPUTSTVU**

Klub domaćin dužan je svakom snimatelju utakmice pravovremeno uručiti ovo uputstvo o snimanju, a snimatelj se obavezuje na striktnu primjenu uputstva o načinu snimanja utakmice.

**VII DOSTAVLJANJE VIDEO MATERIJALA DELEGATU UTAKMICE**

Službeni predstavnik kluba domaćina obavezan je odmah nakon završetka utakmice, originalni snimak u zapečaćenoj koverti uručiti delegatu utakmice.

Delegat utakmice službenim putem, DVD u zapečaćenoj koverti i ostavljenom roku dostavlja u NS Federacije BiH.

Klub domaćin snimak utakmice može dostaviti i putem linka u sjedište Druge lige FBiH, najkasnije 48 sati po odigravanju utakmice.

**VIII PROPUSTI U SNIMANJU I DOSTAVLJANJU VIDEO-MATERIJALA**

Klub koji je prema propisima obavezan, a ne snimi utakmicu, ili koji gostujućem klubu ne dozvoli snimanje utakmice, klub koji snimi ali u propisanom roku ne dostavi nadležnom organu saveza ispravan video-materijal sa utakmice ili ga dostavi u neispravnom ili neupotrebljivom stanju ili na način koji je suprotan ovom uputstvu o snimanju, snosit će sankcije u skladu sa Disciplinskim pravilnikom NS/FS BiH i odlukom IO NS FBiH.

KOMISIJA ZA TAKMIČENJE  
NS FEDERACIJE BiH

**NOGOMETNI SAVEZ FEDERACIJE BiH**  
**KLUBOVIMA DRUGE LIGE FEDERACIJE BiH**  
(Aneks Propozicija takmičenja za takmičarsku 2025/2026)

**ANEKS – MINIMUM MEDICINSKIH ZAHTJEVA ZA TRETMAN IGRAČA, STRUČNOG ŠTABA TIMA I SUDIJSKOG TIMA**

Ovaj dokument detaljno specificira minimum medicinskih zahtjeva za takmičenje u Drugoj ligi Federacije BiH u smislu usluga koje treba osigurati klub domaćin za tretman igrača, stručnog štaba tima i sudijskog tima. Konkretni zahtjevi za svako takmičenje specificirani su u svakom odjeljku.

**1. Ljekarsko osoblje**

Zahtjevi važe za dan igranja utakmice u Drugoj ligi FBiH

Klub domaćin odgovoran je za obezbjeđenje jednog ljekara obučenog za hitnu medicinsku pomoć koji će biti prisutan uz ivicu terena najmanje od trenutka dolaska timova na stadion i do njihovog odlaska. Tu ulogu može vršiti ljekar domaćeg tima, pod uslovom:

- da je ljekar tima obučen i kvalifikovan za hitnu prvu ljekarsku pomoć i tehnike pružanja pomoći;
- da je imenovan neki drugi dužnosnik iz kluba domaćina za olakšavanje hitne medicinske evakuacije sa stadiona bez odlaganja.

1 x ljekar za hitnu medicinsku pomoć uz teren za igru:

- Vršiti ulogu medicinskog koordinatora za stadion izuzev ako je obezbijeđen i specifični medicinski koordinator.
- Odgovoran za osiguranje potrebne medicinske opreme uz ivicu terena specificirane.
- Odgovoran samo za tretman igrača, stručnog štaba tima, sudijskog tima i oficira utakmice.

1 x ekipa za nosila (s nosilima od lesonita i najmanje dva obučena nosača (kvalifikacija u pružanju prve pomoći/iskustvo u nošenju pacijenata na nosilima).

KOMISIJA ZA SPORTSKU MEDICINU  
NS FEDERACIJE BiH

**NOGOMETNI SAVEZ FEDERACIJE BiH  
KOMISIJA ZA SPORTSKU MEDICINU NS FBiH**

Na osnovu člana 21. Pravilnika o radu Komisija Izvršnog odbora i pravnih tijela Nogometnog saveza Federacije Bosne i Hercegovine, Komisija za sportsku medicinu NSFBiH donosi s l j e d e ć u

**O D L U K U  
o obavezujućim elementima za ljeakarski pregled igrača**

**Član 1.**

Ljeakarski pregled igrača mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igrače do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,
- b) Oftalmološki pregled,
- c) Stomatološki pregled,
- d) Ostale testove i analize prema indikaciji.

**Član 2.**

Ova Odluka stupa na snagu danom objavljivanja u Službenom glasniku NS FBiH.

**O b r a z l o ž e n j e**

Komisija za sportsku medicinu NS FBiH je razmatrao odredbe poglavlja XIV Propozicija takmičenja Druge lige Federacije BiH (ljeakarski pregled i članarina).

Istim poglavljem predviđa se obaveza da svaki igrač, koji nastupa u nekom od prednje navedenih takmičenja, obavezno mora imati upisan nalaz o izvršenom ljeakarskom pregledu koji sadrži ocjenu o zdravstvenoj sposobnosti u COMET informacionom sistemu.

Član 31.03. Propozicija takmičenja predviđa i spisak obavezujućih elemenata a za čije donošenje propisuje nadležnost Komisije za sportsku medicinu NSFBiH.

Shodno prednje navedenom, a kako bi se u u potpunosti ispoštovala odredba ovog člana, te precizirala i pojednostavila njegova primjena u praksi, Komisija za sportsku medicinu NSFBiH donijela je odluku kao u dispozitivu.

KOMISIJA ZA SPORTSKU MEDICINU  
NS FEDERACIJE BiH



**NOGOMETNI SAVEZ FEDERACIJE BOSNE I HERCEGOVINE**

**PROPOZICIJE**  
**takmičenja završnice**  
**nogometnog Kupa Federacije BiH za seniore**  
**za takmičarsku sezonu 2025/2026**

juni/lipanj 2025.

Broj: 1541/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**PROPOZICIJE**  
**takmičenja završnice**  
**nogometnog Kupa Federacije BiH za seniore**  
**za takmičarsku 2025/2026 godinu**

---

**I - OPĆE ODREDBE**

---

**Član 1.**

- 1.01. Ovim Propozicijama utvrđuje se način rukovođenja i organiziranja završnog dijela nogometnog Kupa BiH za takmičarsku 2025/2026 godinu, broj sudionika, plasman klubova, organizacija utakmica, žalbeni postupak, financijske odredbe i dr.

---

**II - SUDIONICI TAKMIČENJA**

---

**Član 2.**

- 2.01. U završnici Kupa Federacije BiH igra se jedno kolo.
- 2.02. U završnici Kupa Federacije BiH učestvuje 10 najuspješnijih klubova iz Kup takmičenja kantonalnih/županijskih nogometnih saveza (klubovi općinske, kantonalne/županijske lige i Druge lige FBiH), 14 klubova članova Prve lige Federacije BiH u sezoni 2025/2026, te 2 kluba koja su ispala iz Prve lige FBiH u takmičarskoj sezoni 2024/2025 prema plasmanu.

**Član 3.**

- 3.01. Svaki kantonalni/županijski savez obavezuje se da organizira i provede Kup takmičenje na nivou kantona/županija uz učešće svih klubova članova Druge lige FBiH, kantonalnih/županijskih liga i općinskih nogometnih liga uz pravovremeno utvrđivanje kalendara takmičenja.
- 3.02. Kantonalni/županijski nogometni savezi obavezni su u natjecanje Kupa k/ž saveza uključiti klubove koji su na kraju takmičarske sezone 2024/2025 ispali iz takmičenja Prve lige FBiH.

**Član 4.**

- 4.01. Svi kantonalni/županijski nogometni savezi imaju predstavnika u završnici Kupa Federacije BiH.

**Član 5.**

- 8.01. U završnici Kupa FBiH igra se jedna utakmica, a domaćin će biti odlučan žrijebom, s tim da će klub nižeg ranga natjecanja imati prednost domaćeg terena.

**Član 6.**

- 9.01. U završnici Kupa Bosne i Hercegovine učestvuju 32 kluba a od toga 13 klubova iz NS Federacije BiH, 9 klubova iz FS RS i 10 klubova učesnika WWIN lige BiH.
- 9.02. Sistem odigravanja završnice Kupa BiH donosi Izvršni odbor NS/FS BiH.

### III - RUKOVOĐENJE I ORGANIZACIJA

---

#### **Član 10.**

- 10.01. Takmičenjem završnog dijela nogometnog Kupa Federacije BiH rukovodi Izvršni odbor NS FBiH, putem Komisije za takmičenje NS FBiH.
- 10.02. Utakmice završnice nogometnog Kupa Federacije BiH igraju se po jednostrukom kup sistemu (igra se jedna utakmica).

#### **Član 11.**

- 11.01. Takmičenje u završnici Kupa Federacije BiH administrativno se vodi kroz COMET informacijski sistem.
- 11.02. Zapisnik sa utakmica sastavlja se na način kao u prvenstvenim utakmicama Prve i Druge lige FBiH.

### IV - SLUŽBENE OSOBE

---

#### **Član 12.**

- 12.01. Za obavljanje funkcije službenih osoba na utakmicama završnog dijela nogometnog Kupa Federacije BiH delegiraju se delegati, suci i posmatrači suđenja sa lista Prve lige Federacije BiH a u slučaju ukazane potrebe mogu biti delegirani i suci sa liste Druge lige FBiH sa zvanjem suca prve kategorije.
- 12.02. Vežano za delegiranje i obavljanje funkcija službenih osoba primjenjuju se odredbe Pravilnika o nogometnim natjecanjima NS/FS BiH i Propozicija takmičenja Prve lige Federacije BiH.

### V - ORGANIZACIJA UTAKMICA

---

#### **Član 13.**

- 13.01. Organizacija utakmica se vrši prema odredbama Pravilnika o nogometnim takmičenjima NS/FS BiH i Propozicijama takmičenja za prvenstvo nogometnih liga i Kupa u Federaciji BiH za takmičarsku 2025/2026 godinu.
- 13.02. Organizaciju utakmice vrši klub domaćin.

#### **Član 14.**

- 14.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.

### VI - PRAVO NASTUPA

---

#### **Član 15.**

- 15.01. Pravo nastupa na utakmicama završnog dijela nogometnog Kupa Federacije BiH imaju igrači koji ispunjavaju uslove za nastup, a koji su propisani Pravilnikom o registracijama klubova i igrača i statusu i transferu igrača NS/FS BiH i Propozicijama takmičenja Prve lige FBiH što se odnosi na nastup igrača mlađih od 21 godine.

---

## VII - UTVRĐIVANJE PLASMANA

---

### Član 16.

16.01. Plasman se utvrđuje na osnovu rezultata utakmica završnice Kupa na nivou Federacije BiH. U slučaju da se utakmica nakon 90 minuta završi neodlučnim rezultatom, odmah će se pristupiti izvođenju jedanaesteraca za dobijanje pobjednika, u skladu sa Pravilima nogometne igre.

### Član 17.

- 17.01. Žalba na odigranu utakmicu može se najaviti u roku 24 sata, a obrazloženje žalbe sa dokazom o uplaćenju taksi u roku od 48 sati po odigranoj utakmici.
- 17.02. Žalba na odluku prvostepenog organa može se uložiti u roku od tri dana po prijemu prvostepene odluke.
- 17.03. Neblagovremeno najavljene, neobrazložene, netaksirane ili nedovoljno taksirane žalbe neće se uzimati u postupak.

---

## VIII - FINACIJSKE ODREDBE

---

### Član 18.

- 18.01. Troškovi organizacije utakmica i svih službenih lica snosi klub domaćin. Troškovi službenim osoba se isplaćuju prema Pravilniku o dnevnicama, putnim troškovima, taksama, članarinama i drugim naknadama.
- 18.02. Ukoliko je domaćin utakmice klub Prve lige FBiH, utakmicu će za klub snimati ovlaštena agencija i troškove snimanja snosi klub, a ukoliko je domaćin klub nižeg ranga, utakmicu snima klub domaćin te ispravan DVD i uručuje delegatu utakmice, a istu može dostaviti u putem linka i to 48 sati nakon odigrane utakmice.

---

## IX - ZAVRŠNE ODREDBE

---

### Član 19.

- 19.01. Za sva ostala pitanja koja nisu predviđena ovim Propozicijama primjenjivat će se propisi NS/FS BiH i NS FBiH.
- 19.02. Ove Propozicije stupaju na snagu danom donošenja, a primjenjuju se za takmičarsku 2025/2026 godinu.

**PREDSJEDNIK**

**Muris Jabandžić**

Broj: 1544-I/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**ODLUKU**  
**o kotizaciji za takmičenje**  
**klubova WWIN Prve lige Federacije BiH**  
**za takmičarsku sezonu 2025/2026**

**Član 1.**

Ovom odlukom utvrđuje se iznos kotizacije za takmičenje klubova WWIN Prve lige Federacije Bosne i Hercegovine za jednu takmičarsku sezonu, kao i rokovi uplate utvrđenog iznosa.

**Član 2.**

Kotizacija za klubove WWIN Prve lige Federacije BiH iznosi 10.000 (desethiljada) KM.

**Član 3.**

Sredstvima iz kotizacije finansira se rad organa, koji u procesu takmičejna razmatraju pitanja takmičenja i donose odluke u vezi sa takmičenjem, kao i izvršavanje administrativno-tehničkih poslova.

**Član 4.**

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka prvog, a drugi dio najkasnije petnaest (15) dana prije početka drugog dijela prvenstva.

**Član 5.**

Uplata kotizacije se vrši na žiro-račun NS Federacije BiH broj:  
338-900-22059210-48 kod Unikredit banke ili  
134-001-11300083-66 kod ASA Banke.

**Član 6.**

Klub koji ne izvrši obaveze u roku iz člana 4. ove odluke, ne može nastupiti u takmičenju WWIN Prve lige Federacije BiH.

**Član 7.**

Odluka stupa na snagu danom donošenja, a primjenjuje se za takmičarsku sezonu 2025/2026.

PREDSJEDNIK  
Muris Jabandžić

Broj: 1544-II/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**O D L U K U**  
**o kotizaciji za takmičenje klubova**  
**Druge lige Federacije BiH**  
**za takmičarsku sezonu 2025/2026**

**Član 1.**

Ovom odlukom utvrđuje se iznos kotizacije za takmičenje klubova Druge lige Federacije BiH za jednu takmičarsku sezonu, kao i rokovi uplate utvrđenog iznosa.

**Član 2.**

Kotizacija za klubove Druge lige Federacije BiH iznosi 4.000 (četirihiljade) KM.

**Član 3.**

Sredstvima iz kotizacije finansira se rad organa koji u procesu takmičenja razmatraju pitanja takmičenja i donose odluke u vezi sa takmičenjem, kao i izvršavanje administrativno-tehničkih poslova.

**Član 4.**

Uplata kotizacije može se izvršiti u dva jednaka dijela, s tim što se prvi dio uplaćuje najkasnije petnaest (15) dana prije početka prvog, a drugi dio najkasnije petnaest (15) dana prije početka drugog dijela prvenstva.

Uplata kotizacije vrši se na žiro-račune kantonalnih/županijskih saveza u sjedištima grupa Druge lige FBiH.

**Član 5.**

Klubovi koji su iz nižeg ranga (kantonalni/županijski savezi) ostvarili plasman u takmičenje Druge lige Federacije BiH, obavezni su prvi dio kotizacije (2.000 KM) uplatiti najkasnije deset (10) dana prije termina žrijeba takmičarskih brojeva.

**Član 6.**

Kantonalni/županijski savezi obavezni su u roku od sedam dana po početku prvenstva uplatiti pripadajući dio kotizacije NS FBiH u visini od dvadesetpet (25) procenata i to na žiro-račune NS FBiH:

338-900-22059210-48 kod Unikredit banke ili

134-001-11300083-66 kod ASA Banke.

**Član 6.**

Klubovi koji ne izvrše obaveze u roku, iz člana 4. i 5. ove odluke, ne mogu nastupiti u takmičenju Druge lige NS Federacije BiH.

**Član 7.**

Odluka stupa na snagu danom donošenja, a primjenjuje se za takmičarsku sezonu 2025/2026.

PREDSJEDNIK  
Muris Jabandžić

Broj: 1545/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**P R A V I L N I K**  
***o dnevnicama, putnim troškovima,***  
***taksama, članarinama i drugim naknadama***

---

**I - OPĆE ODREDBE**

---

**Član 1.**

1.01. Ovom odlukom utvrđuje se pravo i iznosi troškova službenih lica na utakmicama, učešća u radu organa po nalogu Nogometnog saveza Federacije BiH, kao i iznosi taksi i drugih naknada u NS Federacije BiH.

**Član 2.**

2.01. Za obavljanje dužnosti na sjednici organa NS FBiH, osobi-članu organa pripada naknada u iznosu od 60 KM, dnevnicu u iznosu od 25 KM, a putni troškovi se isplaćuju prema cijeni korištenja prevoza. Kod korištenja ličnog vozila uračunava se 15% od cijene benzina po pređenom kilometru.

---

**II – NAKNADE ZA SLUŽBENA LICA**

---

**Član 3.**

3.01. Sucima, delegatu i posmatraču kada obavljaju dužnost po nalogu NS Federacije BiH, na utakmicama **Prve lige Federacije BiH** pripada naknada u neto iznosu kako slijedi:

- delegatu 400 KM
- posmatraču suđenja 400 KM
- glavnom sucu 500 KM
- sucu asistentu 350 KM
- četvrtom sucu 200 KM

3.02. Službene osobe nemaju pravo na troškove noćenja.

**Član 4.**

4.01. Sucima i delegatu kada obavljaju dužnost po nalogu NS Federacije BiH, na utakmicama **Druge lige Federacije BiH** pripada naknada u neto iznosu kako slijedi:

- delegatu 170 KM
- glavnom sucu 170 KM
- sucu asistentu 140 KM

4.02. Ukolika službena osoba na utakmicu putuje preko 250 kilometara (u jednom pravcu) od mjesta boravka, službenom licu se na gore navedene iznose obračunava dodatnih 50 KM.

4.03. Službene osobe nemaju pravo na troškove noćenja.

### **Član 5.**

5.01. Sucima, delegatu i posmatraču kada obavljaju dužnost po nalogu NS Federacije BiH, na utakmicama **doigravanja za ulazak u Prvu ligu Federacije BiH** pripada naknada u neto iznosu kako slijedi:

- delegatu 400 KM
- posmatraču suđenja 400 KM
- glavnom sucu 500 KM
- sucu asistentu 350 KM
- četvrtom sucu 200 KM

5.02. Službene osobe nemaju pravo na troškove noćenja.

### **Član 6.**

6.01. Na utakmicama **završnice seniorskog Kupa Federacije BiH** troškovi službenih osoba se isplaćuju prema rangu takmičenja u kojem se klub domaćin takmiči, što se odnosi na klub Prve i Druge lige FBiH.

6.02. Za rang Druge lige FBiH naknada taksa posmatrača suđenja identična je taksi delegata, a taksa četvrtog sudije iznosi 100 KM.

6.03. Ukoliko se u završnici Kupa Federacije BiH takmiči klub nižeg ranga od Druge lige Federacije BiH, službenim licima pripada naknada kao za rang Druge lige FBiH kako slijedi:

- delegatu 170 KM
- posmatraču suđenja 170 KM
- glavnom sucu 170 KM
- sucu asistentu 140 KM
- četvrtom sucu 100 KM

6.04. Službene osobe nemaju pravo na troškove noćenja.

### **Član 7.**

7.01. Sucima i delegatu kada obavljaju dužnost po nalogu NS Federacije BiH, na utakmicama **Prve ženske lige Federacije BiH** pripada naknada u neto iznosu kako slijedi:

- delegatu 80 KM
- glavnom sucu 80 KM
- sucu asistentu 70 KM

7.02. Ukoliko službena osoba na utakmicu putuje više od 50 kilometara (u jednom pravcu) od mjesta boravka ima pravo na putne troškove u iznosu od 30 KM.

7.03. Ukoliko službena osoba na utakmicu putuje više od 100 kilometara (u jednom pravcu) od mjesta boravka ima pravo na putne troškove u iznosu od 50 KM.

7.04. Ukoliko je na utakmicu Prve ženske lige FBiH određen posmatrač suđenja, istom pripada taksa u visini takse delegata utakmice.

7.05. Službene osobe nemaju pravo na troškove noćenja.

### **Član 8.**

8.01. Sucima i delegatu kada obavljaju dužnost po nalogu NS Federacije BiH, na utakmicama **Omladinskih takmičenja Federacije BiH** pripada naknada u koju su uračunati putni troškovi u neto iznosu kako slijedi:

- 8.02. Omladinska liga BiH (za dvije utakmice, juniori i kadeti)
- delegatu 100 KM
  - glavnom sucu 100 KM
  - sucu asistentu 100 KM
- 8.03. Za jednu utakmicu Omladinske lige BiH, ukoliko jedan od klubova nastupa samo sa jednom selekcijom juniora ili kadeta, naknada službenim licima iznosi 80 KM.
- 8.04. Završnica juniorskog Kupa FBiH i završnice juniorskog prvenstva FBiH
- delegatu 150 KM
  - glavnom sucu 170 KM
  - sucu asistentu 150 KM
  - četvrtom sucu 50 KM
- 8.05. Završnica prvenstva za kadete
- delegatu 130 KM
  - glavnom sucu 150 KM
  - sucu asistentu 130 KM
  - četvrtom sucu 50 KM

### **Član 9.**

- 9.01. Navedene iznose naknada za službena lica (suci/delegat/posmatrač) klub je obavezan uplatiti svakoj službenoj osobi pojedinačno, najkasnije 24 sata po odigranoj utakmici obavezno na žiro račun. Ukoliko klub ne isplati službena lica ili ih djelimično isplati, klubu se ostavlja rok od dodatna 24 sata da izmiri troškove, nakon čega se podnosi prijava za pokretanje disciplinskog postupka.
- 9.02. Validnu kopiju dokaza uplate službenim licima (suci/delegat/posmatrač) klub je obavezan dostaviti delegatu na brifingu prije početka naredne utakmice, što će delegat precizno utvrditi prije utakmice.

### **Član 10.**

- 10.01. U slučaju da utakmica Prve i Druge lige Federacije BiH za seniore nije odigrana klub Prve i Druge lige NS FBiH obavezan je službenim licima isplatiti sljedeće naknade:
- Delegatu utakmice-naknadu u punom iznosu.
  - Posmatraču suđenja na utakmici-putni trošak i dnevnicu shodno članu 2. ovog Pravilnika.
  - Sudiji, sudiji asistentu, četvrtom sudiji, dodatnom sudiji-putni trošak i dnevnicu shodno članu 2. ovog Pravilnika.
- 10.02. Putni troškovi službenim licima isplaćuju se za korištenje osobnog vozila i to 15% posto od cijene benzina po pređenom kilometru.
- 10.03. U slučaju kada utakmica nije odigrana iz razloga više sile ili je prekinuta iz razloga više sile ili krivicom jednog ili oba tima, klub Prve i Druge lige NS FBiH obavezan je službenim licima isplatiti naknade u punom iznosu propisane ovim Pravilnikom.
- 10.04. U slučaju kada je odigravanje neodigrane ili prekinute utakmice iz prethodno navedenih razloga, shodno Pravilniku i odluci nadležnog organa određeno u roku 24 sata, klub domaćin obavezan je službenim licima osigurati dodatnu taksu u iznosu od 100 KM.
- 10.05. U slučaju kada se neodigrana ili prekinuta utakmica odlukom nadležnog organa ne zakaže u terminu nakon 24 sata od prvobitnog termina neodigrane ili prekinute utakmice, klub Prve i Druge lige NS FBiH obavezan je službenim licima isplatiti naknade u punom iznosu kako je to propisano ovim Pravilnikom.

**Član 11.**

11.01. U slučaju kada nije odigrana prvenstvena ili kup utakmica u okviru Prve ženske lige i Omladinske lige BiH (kadeti i juniori), klub domaćin obavezan je svim službenim licima isplatiti naknadu u punom iznosu.

**Član 12.**

12.01. Utvrđuje se godišnja članarina za službena lica Prve lige FBiH (sudije, delegati, posmatrači suđenja) u iznosu od 200 KM, koju uplaćuju na žiro-račun NS FBiH u dva jednaka dijela i to najkasnije prije početka seminara prvog i drugog dijela sezone.

**Član 13.**

13.01. Službena lica za utakmice Prve lige FBiH i završnice Kupa FBiH obavezuju se da na žiro-račun NS FBiH u roku od tri dana od utakmice, uplate 10% od ukupnog iznosa naknade za svaku utakmicu Prve lige FBiH ili završnice Kupa FBiH.

13.02. Službena lica za utakmice Druge lige FBiH obavezuju se da na žiro-račun kantonalnog/županijskog nogometnog saveza kojem je NS FBiH povjerio vođenje Druge lige FBiH u roku od tri dana od utakmice, uplate 5% ukupnog iznosa naknade za svaku utakmicu Druge lige FBiH.

---

**III – NAKNADE ZA KLUBOVE**

---

**Član 14.**

14.01. Uz zahtjev i žalbe koje rješavaju organi Nogometnog saveza Federacije BiH uplaćuju se sljedeće takse:

14.02. **a)** žalba u prvom stepenu  
- pojedinci.....300 KM  
- klubovi.....600 KM

**b)** žalba u drugom stepenu  
- pojedinci.....500 KM  
- klubovi.....1000 KM

14.03. **a)** Uz zahtjev za zaštitu zakonitosti kao i ostale zahtjeve koje rješava Izvršni odbor NS FBiH u skladu sa važećim propisima uplaćuje se sljedeća taksa:

- pojedinci.....500 KM  
- klubovi.....1000 KM

**b)** Uz zahtjev kluba Prve i Druge lige FBiH te kluba Prve i Druge futsal lige FBiH za superviziju utakmice, na račun NS FBiH klub je obavezan uplatiti 500 KM.  
Supervizoru na utakmici Prve ili Druge lige FBiH te Prve ili Druge futsal lige FBiH pripada naknada u neto iznosu 300 KM.

**c)** Uz zahtjev kluba Prve ženske lige FBiH ili Omladinske lige BiH za superviziju utakmice, na račun NS FBiH klub je obavezan uplatiti 300 KM.  
Supervizoru na utakmici Prve ženske lige FBiH i Omladinske lige BiH pripada naknada u neto iznosu 200 KM.

14.04. **a)** Uz zahtjev za naplatu finansijskih potraživanja u sporovima između igrača i trenera i klubova koje rješava Disciplinska komisija NS FBiH ili Komisija za status igrača, uplaćuje se taksa u iznosu od 500 KM.

**Član 15.**

15.01. Utvrđuju se sljedeći iznosi godišnje članarine za registraciju trenera klubova u takmičenjima Nogometnog saveza Federacije BiH (Prva liga FBiH, Druga liga FBiH, Prva ženska liga FBiH, Prva i Druga futsal liga FBiH i Omladinska liga BiH):

- Registracija trenera sa UEFA PRO licencom..... 120 KM
- Registracija trenera sa UEFA A licencom.....100 KM
- Registracija trenera sa UEFA B licencom..... 90 KM
- Registracija trenera vratara sa UEFA B GK licencom..... 90 KM
- Registracija trenera sa UEFA C licencom..... 80 KM
- Registracija trenerice sa C nacionalnim certifikatom..... 60 KM
- Registracija futsal trenera sa UEFA B FUTSAL licencom..... 80 KM
- Registracija trenera sa nacionalnim futsal certifikatom..... 70 KM

**Član 16.**

16.01. Utvrđuju se sljedeći iznosi godišnje članarine za izdavanje takmičarske akreditacije za službene osobe klubova u takmičenjima Nogometnog saveza Federacije BiH:

- za klubove Prve lige FBiH..... 100 KM
- za klubove Druge lige FBiH..... 80 KM
- za klubove Ženske lige FBiH..... 60 KM
- za klubove Prve futsal lige FBiH..... 100 KM
- za klubove Druge futsal lige FBiH.....80 KM
- za klubove Omladinske lige FBiH..... 80 KM

**Član 17.**

- 17.01. Članarina suca i suca asistenta za sticanje zvanja suca druge kategorije iznosi 300 KM.
- 17.02. Članarina suca i suca asistenta za sticanje zvanja suca prve kategorije iznosi 400 KM, od čega NS Federacije BiH pripada 200 KM, a Nogometnom/fudbalskom savezu BiH 200 KM.
- 17.03. Troškove članarina sudaca i sudaca asistenata za sticanje zvanja druge i prve kategorije snose suci. Suci mogu biti oslobođeni plaćanja članarine ukoliko navedeni iznos bude uplaćen iz sredstava UEFA sudačke konvencije.
- 17.04. Za obavljanje ispita, testiranja i predavanja, osobi pripada taksa u iznosu od 30 KM po održanom satu (u jednom danu najviše tri sata).
- 17.05. Predavaču pripada taksa u iznosu od 30 KM za pripremu predavanja, ukoliko ima više od jednog sata predavanja.
- 17.06. Članu komisije za obavljajne dužnosti na uslovnoj utakmici za izlazak na praktični dio ispita za sticanje zvanja suca druge kategorije pripada taksa u iznosu od 100 KM, a kandidat sudija dužan je na žiro račun Nogometnog saveza Federacije BiH uplatiti iznos od 130 KM (taksa i poreske obaveze).
- 17.07. Članu komisije za obavljanje dužnosti na utakmici praktičnog dijela ispita za sticanje zvanja suca druge kategorije pripada taksa u iznosu od 150 KM, a kandidat sudija dužan je na žiro račun Nogometnog saveza Federacije BiH uplatiti iznos od 200 KM (taksa i poreske obaveze).
- 17.08. Članu komisije za obavljanje dužnosti na utakmici praktičnog dijela ispita za sticanje zvanja suca druge kategorije, kada praktični dio ispita za zvanje suca druge kategorije polaže ženski sudija pripada taksa u iznosu od 100 KM, a kandidatkinja sutkinja dužna je na žiro račun Nogometnog saveza Federacije BiH uplatiti iznos od 130 KM (taksa i poreske obaveze).
- 17.09. Za troškove izrade diplome entitetskog suca na žiro-račun NS FBiH uplaćuje se 100 KM.

#### **IV – NAKNADE ZA KOMISIJE**

---

##### **Član 18.**

- 18.01. Utvrđuje se iznos naknade članova Komisije za bezbjednost i stadione NS FBiH za obavljanje službene dužnosti na utakmicama Prve i Druge lige NS FBiH a po nalogu NS FBiH.
- a) Za obavljanje službene dužnosti na utakmici Prve lige NS FBiH utvrđuje se naknada u iznosu od 250 KM.
  - b) Za obavljanje službene dužnosti na utakmici Druge lige NS FBiH utvrđuje se naknada u iznosu od 150 KM.
  - c) Za obavljanje službene dužnosti na utakmici Ženske, Futsal ili Omladinske lige NS FBiH utvrđuje se naknada u iznosu od 150 KM.
- 18.02. Ukoliko član Komisije za bezbjednost i stadione NS FBiH na utakmicu putuje više od 100 kilometara (u jednom pravcu) od mjesta boravka na gore navedene iznose obračunava dodatnih 50 KM.

##### **Član 19.**

- 19.01. Taksa za pregled i prijem terena kluba Prve lige Federacije BiH i kluba koji se plasira u Prvu ligu Federacije BiH iznosi 600 KM.  
Taksa za pregled i prijem terena klubova Druge lige Federacije BiH iznosi 500 KM.  
Taksa za pregled i prijem terena klubova Prve ženske lige, Omladinske lige BiH kao i dvorane za odigravanje utakmica futsala iznosi 400 KM.
- 19.02. Članovima komisije pripada dnevnicama, putni troškovi i taksa u iznosu od 60 KM po jednom terenu koje isplaćuje NS FBiH.
- 19.03. Klub je obavezan Komisiji staviti na uvid dokaz o uplaćenju taksi. Komisija za pregled i prijem terena, koju kao privremeni organ određuje generalni sekretar saveza.

---

#### **V – ZAVRŠNE ODREBDE**

---

##### **Član 20.**

- 20.01. Godišnja pretplata na Službeni glasnik NS FBiH „NOGOMET U FEDERACIJI BiH“ iznosi 200 KM za Prvu ligu FBiH i 100 KM za Omladinsku ligu, Žensku ligu i Futsal ligu.

##### **Član 21.**

- 21.01. Uplata svih taksi i drugih naknada iz ovog Pravilnika, izuzev članova 3., 4., 5., 6., 7., 8. ovog Pravilnika, vrši se na žiro-račun NS Federacije BiH broj:  
UNIKREDIT BANKA 338-900-22059210-48  
ASABANKA 134-001-11300083-66

##### **Član 22.**

- 22.01. Pravilnik stupa na snagu danom donošenja, a primjenjuje se danom objave u Službenom glasniku „NOGOMET U FEDERACIJI BiH“.

##### **Član 23.**

- 23.01. Stupanjem na snagu ovog Pravilnika prestaju da važe odluke i propisi kojima su bila regulisana ova pitanja.

PREDSJEDNIK  
Muris Jabandžić

Broj: 1546/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**ODLUKU**  
**o visini novčanih kazni za klubove, igrače,**  
**funkcionere i stručna lica**  
**za takmičarsku sezonu 2025/2026**

**Član 1.**

Ovom odlukom utvrđuju se iznosi novčanih kazni za klubove, igrače, funkcionere i stručna lica u takmičenjima kojima rukovodi Nogometni savez Federacije BiH.

**Član 2.**

Visina novčanih kazni koje izriče Disciplinska komisija Nogometnog saveza Federacije BiH iznosi:

- a)** za žuti karton igrača Prve lige FBiH kazna iznosi 80 KM,
- b)** za crveni karton igrača Prve lige FBiH kazna iznosi 250 KM,  
za igrače koji nisu isključeni, a koji su prijavljeni od strane službenih osoba kazna iznosi od 500 do 2.000 KM,
- c)** za igrače koji su isključeni, disciplinski organ će shodno odredbama DP NS/FS BiH donijeti odluku o izricanju novčane kazne i to:
  - nesportsko ponašanje, od 500 do 2.000 KM;
  - gruba igra, od 500 do 2.000 KM
  - fizički napad, od 1.000 do 2.000 KM
  - za drugi žuti karton ne izriče se novčana kazna za igrača;

Visine izrečenih novčanih kazni za igrače na nivou Druge lige FBiH i Prve futsal lige FBiH iz tačke c) ove odluke iznose 30% naprijed navedenih iznosa.

Visine izrečenih novčanih kazni iz tačke c) ove odluke za igrače u omladinskim takmičenjima i ženskom nogometu iznose 20% naprijed navedenih iznosa.

- d)** za službena lica klubova (treneri i drugi) koji na utakmicama u toku jedne takmičarske sezone dobiju tri žuta kartona primjenjivat će se automatska kazna zabrane vršenja funkcije shodno članu 17. Disciplinskog pravilnika NS/FS BiH,
- e)** za crveni karton koji u toku takmičarske sezone dobiju službena lica klubova (treneri i drugi) primjenjivat će se odredbe Disciplinskog pravilnika NS/FS BiH te odredbe iz tačke a) i b) člana 2. ove odluke,
- f)** po prijavi službenih lica i za udaljenje službenih osoba i funkcionera kluba kazna iznosi od 500 do 2.000 KM,
- g)** za igrače i službene osobe kluba koji u sredstvima javnog informisanja (mediji, društvene mreže i sl.) vrijeđaju ili omalovažavaju instituciju Saveza ili pojedine članove tih institucija, te na uvredljiv način komentarišu sudije i suđenje kao i rad službenih lica na

način koji šteti ugledu ili ličnom integritetu službenih lica kazna iznosi od 500 do 2.000 KM,

- h)** Klubovi koji u sredstvima javnog informisanja (mediji, društvene mreže i sl.) objave ili daju na raspolaganje drugim medijima službene odluke organa i tijela Nogometnog saveza Federacije BiH kazna iznosi od 500 do 2.000 KM.
- i)** za nesportsko ili nasilno ponašanje navijača za Prvu ligu FBiH kazna iznosi od 1.000 do 5.000 KM,
- j)** za unošenje čvrstih predmeta na stadion, za ubacivanje čvrstih predmeta na teren ili među navijače kazna iznosi od 1.000 do 5.000 KM,
- k)** za korištenje pirotehničkih sredstava na stadionu, za ubacivanje petardi ili drugih zapaljivih predmeta na teren ili među navijače kazna iznosi od 500 do 5.000 KM,
- l)** za onemogućavanje snimanja utakmice predstavnicima ovlaštene TV kuće kazna iznosi od 1.000 do 5.000 KM,
- m)** za nedolazak ili zakašnjenje na utakmicu, nedostavljanje ili neblagovremeno dostavljanje izvještaja, podataka, izjava i drugo, pružanje lažnih izvještaja, podataka i izjava ili dovođenja u zabludu, po službenoj dužnosti ili po zahtjevu NS FBiH od strane službenih osoba- kazna delegatu, posmatraču ili sudiji iznosi od 300 do 2.000 KM,
- n)** za neblagovremenu isplatu naknada službenim licima ili dostavljanje lažnih podataka o isplati ili dovođenja u zabludu organa Saveza s tim u vezi, kazna iznosi od 500 do 2.000 KM.  
Za sve ostalo što nije predviđeno ovom odlukom, primjenjuje se DP NS/FS BiH,
- o)** Klub Druge lige NS FBiH grupa „Sjever“, „Centar“, „Zapad“ i „Jug“ koji ne organizuje utakmicu u skladu sa propisima nadležnog nogometnog rukovodstva, ne odredi zaštitare ili redare ili ih odredi u nedovoljnom broju i drugo, a u smislu Disciplinskog pravilnika NS/FS BiH će biti kažnjen novčanom kaznom od 300 KM do 1.000 KM, a u težem ili ponovljenom slučaju novčanom kaznom od 1.000 KM do 2.000 KM,
- p)** Klub Druge lige NS FBiH grupa „Sjever“, „Centar“, „Zapad“ i „Jug“ koji je prema propisima obavezan, a ne snimi utakmicu u skladu sa uputstvom o snimanju utakmica Druge lige FBiH ili koji ne dozvoli gostujućem klubu snimanje utakmice, klub koji u propisanom roku nadležnom organu ne dostavi video-materijal sa utakmice ili ga dostavi u neispravnom ili neupotrebljivom stanju će biti kažnjen novčanom kaznom od 500 KM do 2.500 KM,

### **Član 3.**

Visina izrečenih novčanih kazni za klubove, igrače, stručna lica i funkcionere na nivou Druge lige FBiH iznosi 70 % naprijed navedenih iznosa u članu 2. ove odluke, izuzev tačke **c), o) i p)**, s tim što novčana kazna za crveni karton na nivou Druge lige FBiH iznosi 85 KM, žuti karton na nivou Druge lige FBiH iznosi 25 KM.

### **Član 4.**

Za omladinska natjecanja, kao i za natjecanja u futsalu i ženskom nogometu navedeni iznosi iz člana 2. ove odluke (izuzev tačke c) se umanjuju za 50%, s tim što novčana kazna za žute i crvene kartone iznosi:

#### **Omladinska liga BiH (kadeti i juniori)**

- Žuti karton – 20 KM
- Crveni karton – 70 KM

**Prva futsal liga FBiH**

- Žuti karton – 50 KM
- Crveni karton – 100 KM

**Druga futsal liga FBiH**

- Žuti karton – 35 KM
- Crveni karton – 85 KM

**Prva ženska liga FBiH**

- Žuti karton – 10 KM
- Crveni karton – 50 KM

**Član 5.**

Kazne po izrečenim odlukama nadležnog disciplinskog organa klubovi Prve lige FBiH, Omladinske lige BiH, Futsal lige i Ženske lige uplaćuju na žiro-račun NS Federacije BiH, a klubovi Druge lige FBiH kantonalnom/županijskom savezu u kojem je sjedište lige za natjecateljski period za koji je izrečena kazna.

**Član 6.**

Ova Odluka stupa na snagu danom donošenja, a primjenjuje se za takmičarsku sezonu 2025/2026.

**Član 7.**

Stupanjem na snagu ove Odluke prestaju da važe odluke i propisi kojima su bila regulisana ova pitanja.

PREDSJEDNIK

Muris Jabandžić

Broj: 1547/25  
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

**P R A V I L N I K**  
***o načinu vođenja takmičenja***  
***u Drugoj ligi Federacije BiH***

**Član 1.**

- 1.01. Ovim Pravilnikom utvrđuje se jednoobrazan način izvođenja takmičenja u grupama Druge lige Federacije BiH čije sjedište NS FBiH na vremenski period utvrđen posebnom odlukom ustupa kantonalnim/županijskim savezima, kao i uređenje međusobnih finansijskih i drugih odnosa između NS FBiH te kantonalnih/županijskih saveza koji učestvuju u takmičenju određene grupe Druge lige FBiH.

**Član 2.**

- 2.01. NS FBiH povjerava vođenje takmičenja određenim kantonalnim/županijskim savezima radi ravnomjernog vođenja takmičenja, a svake godine se vrši rotiranje sjedišta svake grupe Druge lige FBiH, kao i takmičarskih organa svake grupe Druge lige FBiH.

**Član 3.**

- 3.01. Od ukupne kotizacije za 16 klubova u iznosu od =64.000 KM podmiruju se troškovi vođenja takmičenja u iznosu od =20.000 KM i taksa NS FBiH 25% od =16.000 KM.
- 3.02. Ostatak sredstava od kotizacije u iznosu od =28.000 KM dijeli se na kantonalne/županijske saveze, proporcionalno broju klubova koji se takmiče u toj grupi Druge lige FBiH.
- 3.03. Navedeni iznosi vrijede za cijelu takmičarsku sezonu.
- 3.04. Ukoliko neka liga starta sa manjim brojem klubova od utvrđenog broja klubova za svaku grupu Druge lige FBiH, proporcionalno se umanjuju pripadajući iznosi raspodjele prema broju klubova.
- 3.05. Ukoliko neki klub odustane od takmičenja, umanjuju se predviđeni iznosi iz prethodnih stavova ovog člana Pravilnika kantonalnom/županijskom savezu iz kojeg je klub koji je odustao od takmičenja.

**Član 4.**

- 4.01. Prva polovica iznosa iz prethodnog člana uplaćuje se na žiro-račune NS FBiH i drugih k/ž saveza čiji klubovi participiraju u takmičenju te grupe Druge lige NS FBiH najkasnije sedam dana nakon početka prvog dijela sezone, a druga polovica najkasnije sedam dana nakon početka drugog dijela tekuće sezone.
- 4.02. Kantonalni/županijski savez u kojem je sjedište lige, putem imenovanih takmičarskih organa, dužan je da se primjenom važećih propisa NS FBiH i NS/FS BiH stara o rokovima i uplatama kotizacije od strane klubova koji sudjeluju u takmičenju i vrši dosljednu primjenu važećih propisa.

**Član 5.**

- 5.01. Svi klubovi koji sudjeluju u takmičenju, kotizaciju su obavezni uplatiti na žiro-račun Saveza u kojem je sjedište određene grupe Druge lige FBiH.
- 5.02. Naknade za javne opomene, isključenja i ostale disciplinske mjere izrečene od nadležnog disciplinskog organa uplaćuju se na žiro-račune saveza koji vode ili su vodili takmičenje kada su te kazne izrečene.

**Član 6.**

- 6.01. Svi ostali prihodi od vođenja takmičenja pripadaju kantonalnom/županijskom savezu koji vodi takmičenje. Ostali mogući troškovi oko vođenja takmičenja koji nisu predvidivi, a nisu predmet obračuna po prethodnim tačkama, spadaju na trošak kantonalnog/županijskog saveza koji vodi takmičenje.

**Član 7.**

- 7.01. Savez koji vodi takmičenje za takmičarsku sezonu daje komesara za takmičenje i tehničkog sekretara, a ostala dva saveza daju komesara za suđenje i disciplinskog sudiju, sve naizmjenično, što se odnosi na grupu Druge lige FBiH u kojoj sudjeluju klubovi iz tri kantonalna/županijska saveza.
- 7.02. Savez koji vodi takmičenje za takmičarsku sezonu daje komesara za takmičenje i tehničkog sekretara, a drugi savez daje komesara za suđenje i disciplinskog sudiju, sve naizmjenično, što se odnosi na grupe Druge lige FBiH u kojoj sudjeluju klubovi iz dva kantonalna/županijska saveza.

**Član 8.**

- 8.01. Komesar za suđenje vrši delegiranje sudaca za utakmice Druge lige FBiH u saradnji sa Komisijom za suce i suđenje NS FBiH.
- 8.02. Za delegiranje sudaca sa višeg ranga, Prve lige Federacije BiH, komesar za suđenje dužan je službenim putem zatražiti od Komisije za sudije i suđenje NS FBiH koja će izvršiti delegiranje, dok je prilikom delegiranja sudija asistentata sa liste Prve lige FBiH na utakmice Druge lige FBiH potrebno obavijestiti Komisiju putem Sekretarijata NS FBiH.
- 8.03. Analizu suđenja svake grupe Druge lige FBiH vrši komesar za suđenje na osnovu detaljne analize izvještaja o kontroli suđenja i pregledom video zapisa sa utakmica.
- 8.04. Tehnički sekretar lige prisustvuje analizi suđenja, vodi zapisnik te je isti uredno i u roku od 72 sata nakon svake sjednice dužan sačiniti sa jasno donesenim odlukama i dostaviti Komisiji za suce i suđenje NS FBiH putem Sekretarijata NS FBiH.
- 8.05. Komesar za suđenje Druge lige FBiH analize suđenja i delegiranja vrši u kantonalnom/županijskom savezu u kojem je sjedište Druge lige FBiH.
- 8.06. Periodične analize suđenja vrše se zajedno sa Komisijom za suce i suđenje NS FBiH. Komisija za suce i suđenje NS FBiH vrši analizu na način što će izvršiti pregled video-zapisa „spornih situacija“ koje pripremi komesar za suđenje u saradnji sa tehničkim sekretarom, a na prijedlog takmičarskih organa, drugih sudionika u takmičenju po mišljenju Komisije ili Sekretarijata NS FBiH. Komisija za suce i suđenje zapisnički će izvršiti verificiranje svih ocjena nakon svake analize, uz analizu i vođenje posebne evidencije svih korigiranih ocjena od strane komesara.
- 8.07. Konačne ocjene i liste uspješnosti sudaca Druge lige FBiH, po prijedlogu komesara a na osnovu svih relevantnih parametara, utvrdit će Komisija za suce i suđenje NS FBiH.

- 8.08. Za obavljanje poslova i zadataka komesar za suđenje Druge lige FBiH odgovoran je Izvršnom odboru NS FBiH, a kontrolu rada i suđenja vršit će Komisija za suce i suđenje NS FBiH.

**Član 9.**

- 9.01. Komesar za takmičenje vrši delegiranje delegata za utakmice Druge lige FBiH u saradnji sa Komisijom za takmičenje NS FBiH.
- 9.02. Analizu rada delegata vrši komesar za takmičenje, a na osnovu detaljne analize zapisnika sa utakmice i delegatskog izvještaja.
- 9.03. Tehnički sekretar lige prisustvuje analizi rada delegata, vodi zapisnik te je isti uredno i u roku od 72 sata nakon svake sjednice dužan sačiniti sa jasno donesenim odlukama i dostaviti Komisiji za takmičenje NS FBiH putem Sekretarijata NS FBiH.
- 9.04. Komesar za takmičenje će periodične analize takmičenja i obavljanja dužnosti delegata vršiti zajedno sa Komisijom za takmičenje u NS FBiH.
- 9.05. Analizu izvještaja kontrole suđenja sa svake utakmice vrši komesar za suđenje, kao stručno lice, što će komesar za takmičenje obavezno uzeti u obzir prilikom vrjednovanja obavljanja delegatske dužnosti i prijedloga liste uspješnosti.
- 9.06. Konačne liste uspješnosti delegata Druge lige FBiH, po prijedlogu komesara a na osnovu svih relevantnih parametara, utvrdit će Komisija za takmičenje NS FBiH.
- 9.07. Za obavljanje poslova i zadataka komesar za takmičenje Druge lige FBiH odgovoran je Izvršnom odboru NS FBiH, a kontrolu rada i takmičenja vršit će Komisija za takmičenje NS FBiH.

**Član 10.**

- 10.01. Disciplinski sudija Druge lige FBiH donosi odluke o izricanju disciplinskih mjera u prvom stepenu, a pripremu materijala za sjednicu kao i pisanje odluka priprema tehnički sekretar Druge lige FBiH.
- 10.02. Za obavljanje poslova i zadataka disciplinski sudija Druge lige FBiH odgovoran je Izvršnom odboru NS FBiH, a kontrolu rada vršit će Disciplinska komisija NS FBiH.
- 10.03. Tehnički sekretar lige prisustvuje sjednici disciplinskog sudije, vodi zapisnik te je isti uredno i u roku od 72 sata nakon svake sjednice dužan sačiniti sa jasno donesenim odlukama i dostaviti Disciplinskoj komisiji NS FBiH putem Sekretarijata NS FBiH.

**Član 11.**

- 11.01. Tehnički sekretar Druge lige FBiH u savjetodavnom svojstvu prisustvuje sjednicama komesara za takmičenje, komesara za suđenje i disciplinskog sudije, te opslužuje rad takmičarskih organa i obavlja sve administrativne poslove.
- 11.02. Tehnički sekretar Druge lige FBiH zadužen je za pripremu svih materijala za sjednice takmičarskih organa, pisanje odluka, zapisnika i dopisa te dostavljanje odluka i dopisa svim klubovima iz takmičenja.
- 11.03. Tehnički sekretar Druge lige FBiH vrši svu korespodenciju između kantonalnog/županijskog saveza u kojem je sjedište lige, takmičarskih organa i NS Federacije BiH.
- 11.04. Tehnički sekretar Druge lige FBiH vrši svu korespodenciju između klubova, takmičarskih organa i NS Federacije BiH.
- 11.05. Tehnički tajnik Druge lige FBiH obavezan je takmičarske organe i sve klubove Druge lige FBiH pravovremeno i na propisan način obavještavati o svim odlukama i propisima NS FBiH i NS/FS

BiH, kao i o svim pojedinostima vezano za takmičenje (Odluke i dopise IO Izvršnog odbora, komisija i Sekretarijata NS FBiH, tabele, delegiranja, odluke i dopise takmičarskih organa, pregled javnih opomena, suspenzije igrača, obračun putnih troškova i drugo).

- 11.06. Tehnički sekretar je dužan blagovremeno sve odluke takmičarskih organa (komesara za takmičenje, komesara za suđenje i disciplinskog sudije) dostaviti u Sekretarijat NS FBiH.
- 11.07. Troškove dolaska komesara na zajedničke sastanke i analize sa komisijama NS FBiH snosi kantonalni/županijski savez kojem je od NS FBiH povjereno sjedište grupe Druge lige FBiH.
- 11.08. Takmičarske organe imenuje Izvršni odbor NS FBiH, u skladu sa važećim kriterijima za imenovanje takmičarskih organa iz Pravilnika o radu komisija Izvršnog odbora, pravnih tijela i takmičarskih organa NS FBiH.
- 11.09. Savez kojem je odlukom IO NS FBiH povjereno vođenje Druge lige FBiH pripadaju svi prihodi od seminara, a na čiji teret spadaju i svi rashodi uz obavezu isplate predavača na seminarima.

#### **Član 12.**

- 12.01. Takmičarski organi dužni su u skladu sa propisanim nadležnostima i važećim propisima pravovremeno donijeti odluke o suspenziji klubova koji nisu izmirili svoje prethodne finansijske obaveze i propisno ih primijeniti.
- 12.02. Kantonalnim/županijskim savezima koji iz prethodnog perioda imaju neizmirena dugovanja prema NS FBiH ili drugim kantonalnim/županijskim savezima po osnovu vođenja takmičenja i drugo, neće biti povjereno vođenje Druge lige FBiH sve do izmirenja obaveza u cijelosti.
- 12.03. Kantonalnim/županijskim savezima koji ne organiziraju zvanična ligaška prvenstvena takmičenja pretpionira (U-13) i pionira (U-15) neće biti povjereno vođenje Druge lige FBiH.

#### **Član 13.**

- 13.01. Za rješavanje svih sporova vezano za vođenje takmičenja u Drugoj ligi FBiH nadležan je Izvršni odbor NS FBiH.
- 13.02. Odluka stupa na snagu danom donošenja, a stupanjem na snagu ove odluke prestaju da važe propisi kojima su ova pitanja bila prethodno regulisana.

PREDSJEDNIK  
Muris Jabandžić

Broj: 1434-I/25  
Sarajevo: 19.06.2025.

Izvršni odbor Nogometnog saveza Federacije BiH na osnovu člana 32. Statuta NS Federacije BiH, na 3. sjednici održanoj 19.06.2025. godine u Kupresu, donio je s l j e d e ć u:

**O D L U K U**  
**o sjedištu i takmičarskim organima**  
**grupa Druge lige NS Federacije BiH**  
**u takmičarskoj sezoni 2025/2026**

**Član 1.**

Ovom odlukom Izvršni odbor Nogometnog saveza Federacije BiH određuje sjedišta i takmičarske organe grupa Druge lige FBiH: „Sjever“, „Centar“, „Zapad“ i „Jug“ u takmičarskoj sezoni 2025/2026.

**Član 2.**

Takmičarski organi grupa Druge lige Nogometnog saveza Federacije BiH su:

- komesar za takmičenje;
- komesar za suđenje;
- disciplinski sudija;
- tehnički sekretar.

**Član 3.**

Sjedište Druge lige Federacije BiH grupa „**SJEVER**“ u takmičarskoj sezoni **2025/2026** je u **NS Tuzlanskog kantona**.

- Komesar za takmičenje je iz **NS Tuzlanskog kantona**.
- Komesar za suđenje je iz **NS Posavske županije- Orašje**
- Disciplinski sudija je iz **NS Posavske županije- Orašje**
- Tehnički sekretar je iz **NS Tuzlanskog kantona**.

**Član 4.**

Sjedište Druge lige Federacije BiH grupa „**CENTAR**“ u takmičarskoj sezoni **2025/2026** je u **FS Kantona Sarajevo**.

- Komesar za takmičenje je iz **FS Kantona Sarajevo**.
- Komesar za suđenje je iz **NS Zeničko-dobojskog kantona**.
- Disciplinski sudija je iz **FS Bosansko-podrinjskog kantona**.
- Tehnički sekretar je iz **FS Kantona Sarajevo**.

**Član 5.**

Sjedište Druge lige Federacije BiH grupa „**JUG**“ u takmičarskoj sezoni **2025/2026** je u **NS Hercegovačko-neretvanskog kantona/županije**.

- Komesar za takmičenje je iz **NS Hercegovačko-neretvanskog kantona/županije**.
- Komesar za suđenje za suđenje je iz **ŽNS Zapadnohercegovačke županije**.
- Disciplinski sudija je iz **ŽNS Hercegbosanske županije**.
- Tehnički sekretar je iz **NS Hercegovačko-neretvanskog kantona/županije**.

**Član 6.**

Sjedište Druge lige Federacije BiH grupa „ZAPAD“ u takmičarskoj sezoni **2025/2026** je u **NS Unsko-Sanskog kantona**.

- Komesar za takmičenje je iz **NS Unsko-sanskog kantona**.
- Komesar za suđenje je iz **NS Srednjobosanskog kantona/Kantona Središnja Bosna**.
- Disciplinski sudac je iz **NS Srednjobosanskog kantona/Kantona Središnja Bosna**.
- Tehnički tajnik je iz **NS Unsko-sanskog kantona**.

**Član 7.**

Sjedište grupe Druge lige FBiH ne može od strane NS FBiH biti povjereno k/ž savezu koji u toj takmičarskoj sezoni nema klub u takmičenju Druge lige FBiH.

Sjedište grupe Druge lige FBiH ne može biti povjereno k/ž savezu koji nije izmirio sve ranije obaveze prema NS FBiH po osnovu utvrđenog dijela kotizacije ili ostale finansijske obaveze iz prethodnih perioda.

Sjedište grupe Druge lige FBiH ne može biti povjereno k/ž savezu koji ne organizira zvanična prvenstvena natjecanja pretpionira (U-13) i pionira (U-15).

**Član 8.**

Odluka stupa na snagu danom donošenja i obavljuje se u službenom glasniku NS FBiH.

PREDSJEDNIK  
Muris Jabandžić